



大日本史記 本紀

拾貳

増
775
12



增 4
775
12

大日本史卷四十一

本紀第四十一

權中納言從三位源光圀修
男權中納言從三位綱條校



後冷泉天皇

後冷泉天皇諱親仁後朱雀帝長子也母贈皇太后

藤原氏萬壽二年八月三日壬子生于外祖前太政

大臣道長京極第扶桑畧記今鏡一未幾喪時後朱

雀帝尚在東宮以故養于上東門院榮華物語四年四月

著袴榮華物語畧長元四年入居東宮榮華物語七年十

記歷代皇紀

榮華物語

榮華物語

月始讀書皇年代畧記九年四月後朱雀帝踐祚出居

高陽院榮華十二月為親王皇年代畧記長曆元年

七月冠于禁中授三品八月立為皇太子畧記今鏡

年編明年正月徙凝華舍畧記榮寬德二年正月十

六日癸酉皇太子自京極第入東三條院受禪畧記

鈔百鍊鈔榮尊後朱雀帝曰太上天皇皇年代畧記立尊

仁親王為皇太弟皇年代畧記以皇子內親王為女

御女院關白左大臣賴通右大臣藤原實資內大臣

兼左近衛大將藤原教通並如故公卿補是日還京

極第百鍊鈔毘沙門堂所藏十八日乙亥上皇崩畧記

皇年代畧記二月二十一日戊申葬後朱雀天皇是

月有大白鳥集西七條侍從池鳴有飯無菜古事談夏

四月八日甲午天皇即位於大極殿年二十一畧記

天祚禮祀六月十三日丁卯行幸太政官朝所秋七

月以早修請雨經法二七日祈雨日記請八月十日

癸亥廷議但馬守章任闕姓奪宋人張守隆貨物百鍊

十一日甲子追尊所生尚侍藤原氏曰皇太后今鏡

書二十七日庚辰還御京極院十月六日戊午以太

宰府管國訴遣右衛門權佐藤原實綱推問權帥藤

原重尹罪百鍊十一月二十三日甲辰以權大納言

藤原賴宗兼右近衛大將要記編年記係十月十二

月十三日甲子置贈皇太后國忌今從補任尊早分脈十六

日丁卯徙御太政官朝所鈔要記百鍊

永承元年丙戌春正月十八日巳亥右大臣藤原實

資亮畧記二月二十日辛未罷太宰權帥藤原重尹

補任前年書停任二十八日巳卯太政官朝所火天

皇避之大膳職百鍊鈔係十八日榮華物語為三月

治八年三月辛巳朔日有食之畧記十日庚寅卜定嘉子

內親王為齋宮源氏系圖二十四日甲辰卜定禊子

內親王為齋院要記編年殘編夏四月四日甲寅自大膳職

御內大臣藤原教通二條第畧記百鍊鈔十四日甲

子改元永養鈔畧記愚管五月二十七日丙午京師洪

水畧記秋七月十日戊子立女御章子內親王為中宮

榮華物語八月四日辛亥以是月五日北野祭當贈

皇太后國忌是日行之著為永式百鍊鈔冬十月八日

甲寅宮成遷御二十五日辛未御禊十一月十五日

辛卯大嘗畧記要記皇二十七日癸卯以內大臣藤

原教通為皇太弟傳要記補任十二月十九日甲子皇太

弟加元服畧記皇代二十四日巳巳興福寺

火畧記編年記

二年丁亥春正月以後朱雀帝忌月罷蹈歌節鏡今三
月八日壬午謁石清水宮夏四月十二日丙辰親上
東門院二十三日丁卯謁賀茂社王葉嘉禎元年是日御祖
社幣殿火記編年自六月旱至七月記畧秋八月癸卯朔
以內大臣藤原教通為右大臣權大納言藤原賴宗
為內大臣補任要記九月八日巳卯大風冬十二月二十
四日甲子筑前入清原守武坐私入宋流于佐渡記畧
百鍊鈔西宮記引宗金記是歲補造興福寺長官巳下皇紀
三年戊子春三月二日庚子慶興福寺夏五月二日
巳亥太宰府獻新羅曆畧記百鍊鈔秋七月十日丙午以

藤原歡子為女御記要冬十一月二日丙申禁內火天
皇避之太政官朝所安神鏡於松下曹司中右記寬治八年畧
百鍊鈔年記十日甲辰徙御京極院百鍊鈔十六日庚戌
太宰府獻宋曆畧記
四年巳丑春正月甲午朔日有食之記畧二月十四日
丁丑釋奠以脩子內親王薨罷講論宴座園太曆貞和四年
十八日辛巳興福寺北圓堂唐院傳法院火畧記百鍊鈔皇
年代畧記三月十九日辛亥款平親王薨畧記肥後阿禰
社火百鍊鈔年記夏六月二十三日甲申皇后皇太弟所
居閑院火百鍊鈔年記皇紀秋九月十七日丁未奉幣賀茂

謝神主成負前年遭害社中百鍊鈔冬十一月九日
戊戌殿上歌合畧記百鍊鈔編年記要記今鏡按著
非編年記元年四月亦載殿上歌合然諸書無所見
故不取○要記曰是月二十七日行幸春日然諸書
無所見

五年庚寅春正月二十五日癸丑以興福寺訛流火

和守源賴親於土左其子前加賀守賴房于隱岐畧記

百鍊鈔三月太宰府安樂寺火畧記百鍊鈔夏六月十

六日辛未創中山社於冷泉院祭石上神百鍊鈔公

秋七月三日戊子冷泉院火撲滅之九月置歸化宋

人張守隆於但馬百鍊鈔冬十月七日辛酉地震畧記十

三日丁卯始觀上東門院於東北院玉藻嘉禎元年

月十二日觀上東門院而他書無所見考補任藤原

從畧記十八日壬申以天地多變妖怪數見天皇親

作文祭泰山府君朝野群載十一月癸丑朔日南至畧記群

臣表賀十六日戊辰詔曰玄德之勤天道者明聖之

緯也蒼穹之應帝念者古今之常也是以依不言之

化而璇衡以正協有道之政而玉燭爰和朕謬以庸

璪黍纂洪基徒切日慎之誠難致時雍之教迺者公

卿奏言謹案曆日今年十一月朔且冬至得天之紀

終而復始雖慙菲薄適逢禎祥情思眇身之受天祐

亦因忠臣之助皇猷也須與衆庶享斯休徵可大赦
天下但常赦所不免及欠負官物之類不在赦限按
爵賜物一遵舊典庶分四海無偏之惠澤益一章不
違之冥符醜報恩院所藏按長曆十一月甲申朔
大盡癸丑晦冬至而閏月甲寅朔考本書
表賀下注癸丑赦詔下注戊辰併考百鍊鈔畧記蓋
當時從曆博士賀茂道平議移閏在十月仍爲小盡
故今從本書以癸丑爲十一月二十一日癸卯
月朔冬至戊辰爲十六日

納藤原寬子爲女御畧記
六年辛卯春正月八日庚申小一條院薨畧記大鏡
裏書百鍊
鈔有鹿入禁中畧記編二月十三日甲午尊皇后曰
皇太后立女御藤原寬子爲皇后畧記補仕要記按
今鏡係十日非

三月二十四日乙亥雜合作木雜較製造優劣爲戲

夏四月十六日丙申法成寺五大堂無故而壞百鍊

五月五日甲寅作菖蒲根合戲畧記榮華宴樂終日

帝親吹笛百鍊六月五日甲申筑前彌勒寺火畧記

百鍊鈔秋七月七日乙卯大風百鍊十九日丁卯冷

泉院成徒御焉畧記百鍊鈔按畧記曰是月十一日
鍊鈔榮華物語天皇自京極院徙冷是冬疾疫流行
泉院其徙大膳職他無所見故不取

七年壬辰春正月二十六日癸酉使十僧讀觀音經
於大極殿禳疫畧記編三月十九日甲子藏人玄蕃

助藤原隆成坐傷藏人右衛門少尉藤原定俊削籍
夏四月五日庚辰修仁王會于豐樂院五月六日庚
戌視上東門院疾於六條第大赦天下畧記二十九日
癸酉創神祠於花園修御靈會以禳疫疾百鍊六月
十七日庚寅使十僧讀金剛壽命經于大極殿畧記癸
卯晦弗豫畧記百鍊秋八月二十五日丁酉長谷寺火
要記百鍊冬十月十九日辛卯宴群臣於冷泉院
釣臺百鍊十一月壬寅朔日有食之畧記二十九日
庚午遣參議源經成于伊弉奉幣大神宮禳天變又
奉幣二十一社伊弉公卿是年天下疾疫百鍊

天喜元年癸巳春正月十一日壬子改元天喜畧記補任
百鍊鈔二月十日庚辰住吉社火百鍊夏四月始奉
幣中山社年中行事秋七月天皇患瘧二十日丁巳
以皇居有忌從御關白賴通賀陽院第按畧記丁巳
千夫訂之天梅百鍊鈔為八月二十日是年閏在七
月八月二十日適當丙辰而榮華物語畧記共為七
從之八月十四日庚戌大赦天下禳天變禱不豫冬
十月丙申朔日有食之十一月六日辛未皇太第所
居藤原能長三條第火畧記皇年代畧記
二年甲午春正月八日癸酉賀陽院火從御冷泉院
畧記百鍊鈔二月十六日庚戌又從關白賴通四條
榮華物語

第畧記百夏四月客星出甯參亭于天關大如歲星

秋七月十一日壬申敦儀親王薨記要九月二十一日

辛巳遷京極院百鍊鈔為二十冬十二月八日丁酉

京極院火避御民部卿藤原長家三條第畧記榮華

鈔二十八日丁巳徙四條第畧記百鍊鈔按榮華

三年乙未春三月十八日丙子左近衛少將藤原忠

俊雜色入禁中挺刀逼御座藏入源齊賴捕獲之畧記

百鍊鈔夏四月二十六日甲寅以貴布禰社遭水害移

地改造之百鍊鈔六月七日甲午毀冷泉院運其材造

一條院畧記百鍊鈔秋八月二十一日丙午震東寺

塔災畧記東寺長者補冬十月二十五日巳酉慶圓

乘寺畧記百鍊鈔

四年丙申春二月二十二日甲辰一條院成自四條

第徙御焉畧記百鍊鈔秋七月二十八日戊申彗星

見東方百鍊鈔為八月四日今從要八月三日壬子

俘囚安倍賴時作亂陸奧命陸奧守兼鎮守府將軍

源賴義討之編年記陸九月十九日戊戌有鹿入大

内卜之畧記

五年丁酉夏四月十四日庚申大極殿鴟尾墮畧記

鈔十六日壬戌有鹿上修明門陣屋畧記編秋八月

乙巳朔日有食之四日戊申彗星見東方長丈餘十日甲寅官符東山東海二道運糧陸奧記九月二日乙亥鎮守府將軍源賴義奏言阿倍賴時伏誅餘黨未平請徵諸國兵并輸糧穀畧記陸奧記陸冬十月二十六日巳巳北野社火鈔百鍊十一月賴義與賴時子負任戰敗績畧記陸奧記陸壬寅晦慶崇福寺畧記百鍊鈔要記十二月二十五日丁卯以賴義復為陸奧守源齋賴為出羽守討負任百鍊鈔以賴義為陸奧守係四年十二月四月二十五日以齋賴為出羽守係康平元年從畧記陸奧記陸康平元年戊戌春二月二十三日甲子省試畧記百鍊鈔

二十六日丁卯禁內火延及大極殿中院神嘉殿朝

集堂畧記百鍊鈔編是後京師數火百鍊鈔三月七日

丁丑卜中院災於軒廊十三日癸未以災奉幣大神

宮十五日乙酉奉幣石清水巳下七社二十日庚寅

修仁王會於豐樂院二十一日辛卯遣使山陵玉海治兼

元夏六月二十七日丙寅卜定正子內親王為齋院

齋院記貴秋七月二十五日癸巳法琳寺大元堂前

地陷長三十餘丈廣三丈餘畧記百鍊鈔八月二十九日

丁卯改元康平畧記百鍊鈔冬十一月二十八日

乙未遣參議藤原經季於伊勢奉宸筆宣命於大神

宮襪天變

伊勢公卿教使例畧記

十二月十六日壬子信濃言

霖雨神御坂顏

畧記

二年己亥春正月丙申朔日有食之畧記八日癸卯一

條院火畧記百鍊天皇避之上東門院室町第二月

八日癸酉遷御關白賴通三條第畧記百鍊三月八日

壬寅以賴通疾大赦天下夏五月二日乙未大雨洪

水秋七月十日壬寅慶讚宸筆仁王經修八講畧記十

二日甲辰大風官舍民屋多壞是歲盜累行火皇居

百鍊鈔

三年庚子春三月二十五日甲寅親上東門院于白

河院康平記畧夏五月四日辛卯興福寺火畧記係

日今從康平記百鍊鈔六月二日己未河內言盜發磯長

山田陵十八日乙亥地震二十二日己卯以旱赦畧記

秋七月十七日癸卯關白賴通罷左大臣以右大臣

藤原教通為左大臣內大臣藤原賴宗為右大臣權

大納言藤原師實為內大臣補任是月越前言宋高林

表侯改至敦賀津依請配之本國畧記按百鍊鈔林

俊八月二日戊午伊弉守藤原義孝坐燒太神宮御

厨流于土佐畧記百鍊鈔十一月丁卯賀陽院成徒御焉

畧記百鍊鈔康平冬十月弗豫十九日甲戌大赦天下

平記行類鈔

記康平十一月十九日甲辰豐明節疾瘳臨御平二十

七日壬子彗星見南方山記康平作東方今從

四年辛丑春二月八日壬戌三品式部卿敦貞親王

薨山源氏系圖二夏五月六日戊子地震七日巳丑

又震八日庚寅赦二十二日甲辰使千僧轉讀仁王

經於豐樂院六月壬子朔日有食之記秋七月二十

一日壬寅慶東北院大赦天下康平記冬十一月二

十五日甲戌備中吉備津宮火康平記百二十九日戊

寅出雲杆築社倒百鍊十二月二十日巳亥以關白

賴通為太政大臣職仍舊

五年壬寅夏四月二十二日巳亥左大臣藤原教通

罷左近衛大將以內大臣藤原師實兼左近衛大將

康平記補仕記二十七日甲辰謁石清水宮二十八日乙巳

還宮康平記五月二十二日戊辰觀競馬百秋七

月十三日戊午謁賀茂社康平記九月二日丙午關白

賴通罷太政大臣補是月安倍貞任伏誅其弟宗任

等率族降賊徒悉平康平記百鍊冬十二月二十八

日辛丑復前加賀守源賴房位皇紀

六年癸卯春二月十六日戊子梟安倍貞任等首于

京師西獄門二十七日巳亥賞源賴義及子義家義

綱清原武則等軍功進官爵有差水左記畧二十八

日庚子地震壬寅晦又震三月十一日癸丑又震畧記

二十二日甲子豐樂院火畧記百是月興福寺僧靜

範發狹城眉列池後陵盜取寶物百鍊鈔夏五月十三

日甲寅遣使檢之二十九日庚午卜深草陵鳴于軒

廊六月二十一日辛卯造八省院畧記冬十月十七日

甲申流僧靜範于伊豆其黨十六人于諸國畧記百

是月創實相院於延曆寺畧記百鍊鈔要記十二年

月十五日壬午修狹城眉列池後陵還藏寶物廢朝

三日百鍊鈔東是歲旱百鍊鈔

七年甲辰春三月伊豫守源賴義以降虜至京師畧記

百鍊鈔二十九日乙丑官符降虜安倍宗任正任真任

家任僧良增等并家屬勒停伊豫畧記野群載梅良增

畧記陸奧詔記今良增太宰府畧記百是月太宰府

言大風筑前宮崎宮濱殿倒人死百鍊鈔係二夏四

月十九日乙酉雨雹大如梅李二十三日巳丑卜之

軒廊畧記五月十三日戊申太宰府觀世音寺火畧記

秋九月十三日乙亥行幸東北院畧記十六日戊寅前

下野守源賴資坐去年與上野介橋推行私鬪燒宅

殺人流于佐渡畧記百冬十二月五日丙申改流源

賴資于土佐畧記十九日庚戌右大臣藤原賴宗罷右

近衛大將二十六日丁巳以權大納言源師房兼右

近衛大將補任

治曆元年乙巳春正月五日乙丑右大臣藤原賴宗

罷畧記二月三日癸巳前右大臣賴宗補任要記

十九日巳酉慶金光明經一十部於延曆寺中堂三

月二十四日甲申地震畧記夏四月十四日癸卯遣參

議源隆俊于伊勢奉幣大神宮禳災異伊勢公卿是

月旱五月七日丙寅地震十二日辛未讀大般若經

於禁中祈雨禳三合厄畧記十三日壬申修請雨經法

七日祈雨日記請十七日丙子奉幣二十一社二十

三日壬午讀孔雀經于神泉苑讀大般若經于東大

興福二寺及龍穴畧記六月三日辛卯以内大臣藤原

師實為右大臣權大納言源師房為内大臣畧記二

十四日壬子大和十市高市二郡雨雹大寸餘畧記秋

八月二日戊子改元治曆水左記畧記二十九日乙

卯卜伊勢怪於軒廊中右記天九月二十五日壬午

天皇親書金字法華經修八講於禁中薦後朱雀帝

冥福畧記今鏡冬十月十八日甲辰行幸法成寺觀

慶佛堂大赦天下但為神社所訴及放火者不在赦

限畧記百

二年丙午春三月六日庚申彗星見東方長七尺畧記

百鍊鈔二十八日壬午春日社大鳴畧記是夜惠拔藻

伏山岡陵震動有光畧記夏四月甲申朔彗星見西

方鍊鈔百八日辛卯地震畧記五月甲寅朔宋商王滿

獻樂物鸚鵡畧記百十三日丙寅伊勢神宮及齋宮

察雨電大如雞子畧記百鍊鈔秋七月二日甲寅赦流

入源賴資僧靜範等十八日庚午白雲二道亘東西

廣三尺冬十月十六日丁酉御釣臺設船樂畧記十一

月二十日庚午遣參議藤原泰憲于伊勢奉幣太神

宮伊勢公卿二十八日戊寅慶太宰府觀世音寺十

二月二十七日丁未主殿察火百鍊鈔為十七

三年丁未春正月十日己未日吉社火要記皇紀編

共為二十九日今二月二十五日癸酉慶興福寺金

堂水左記畧秋八月九日乙卯主計察火十六日壬

戌參河國進犢四牙七足肩尻尾各二畧記冬十月五

日庚戌行幸宇治平等院讌于關白賴通別業榮華

為九日今鏡為十五日七日壬子還宮畧記百鍊鈔

二十二日丁卯觀童舞於清涼殿畧記編十二月五

日巳酉賴通罷關白特敕咨詢政事補任十二日丙

辰以弗豫奉幣二十二社畧記

四年戊申春正月甲戌朔日有食之二月二十三日

丙寅使仁和寺性信親王修孔雀明王法禱不豫三

七日畧記今鏡為三月今據二十八日庚子大赦天

下畧記夏四月十四日乙卯奉幣馬於諸社十六日丁

巳以左大臣藤原教通為關白補仕十七日戊午學

皇太后曰太皇太后改中宮曰皇太后皇太后曰中宮

立准三后藤原歡子為皇后補仕十九日庚申天皇

崩於賀陽院年四十四水左記畧記百鍊火葬于船

岡西野藏御骨于圓教寺鈔今鏡愚管鈔後冷泉院畧記百鍊鈔

畧記

天保十巳亥年秋八月二十六日謹書寫之

中村萬喜直衛

大日本史卷四十二

本紀第四十二

權中納言從三位源光圀修
男權中納言從三位綱條校

後三條天皇

後三條天皇諱尊仁後朱雀帝第二子也母陽明門

院扶桑略記百鍊鈔今鏡長元七年七月十八日乙巳生于春

宮亮源行任第後日本紀畧九年十二月為親王皇年

一記皇代記帝王編年記按長曆二年十二月著袴代皇

代紀畧年記長久元年十二月入宮謁帝甫七歲進退有

度觀者莫不嗟嘆焉記春三年十一月始讀書榮華物

代畧寬德二年正月後冷泉帝受禪立為皇太弟承

兼元年十二月冠畧記百鍊治曆四年四月十九日

庚申後冷泉帝崩關白教通率公卿侍臣奉劔璽於

閑院皇太弟踐祚畧記按天皇先是在閑院關白左

大臣教通右大臣兼左近衛大將藤原師實內大臣

兼右近衛大將源師房並如故公卿補任五月五日丙子

葬後冷泉天皇畧記編年記六月二十一日辛酉有

鼠出於乘輿占卜皆吉二十四日甲子肥後阿蘇山

雨雪二十六日丙寅徙自閑院御大納言藤原信長

大宮第畧記百鍊秋七月二十一日辛卯天皇即位於

太政官廳年三十五後三條帝即位畧記百鍊即位

官廳始于此記要八月十四日甲寅造大極殿畧記以皇

子負仁為親王畧記百鍊皇代記九月四日癸酉

遷御關白教通二條第畧記百鍊冬十月二十八日丁

卯御襖記經百鍊是月土左言有僵樹自越立出羽

言浪井涌畧記百鍊十一月二十二日辛卯大嘗十二

月十一日巳酉二條第火避之閑院累代內印多也

二十八日丙寅遷御大宮第記經百鍊畧

延久元年巳酉春正月巳巳朔以日忌罷四方拜小

朝拜和園大曆貞二月九日丙午卜定俊子內親王為

齋宮編八年記係四月二十七日甲寅上太皇太后號

陽明門院水左記畧記要記歷二十三日庚申敕寬

德二年以後新置莊園一切罷之雖在二年前券契

不明有蠹害者宜停止焉要記係正月今三月十五

日壬午謁石清水宮在道乘輿損壞十六日癸未還

宮乘輿又壞畧記百夏四月七日癸卯鑄內印畧記

十三日巳酉改元延久二十八日甲子立貞仁親王

為皇太子畧記百鍊鈔要記皇代以右大臣藤原師

實為傳補仕六月五日庚子以乘輿壞奉幣二十一社

百鍊鈔二十一日丙辰徙自大宮第御高陽院畧記百

秋七月乙丑朔日有食之畧記三日丁卯尊皇太后為

太皇太后中宮為皇太后補仕要記編年立馨子內

親王為中宮畧記係六月十五日要記十八日壬午

停諸國御厨贄後院御贄畧記二十二日丙戌始令御

厨子所進菜蔬畧記百八月乙未朔遣前駿河守平

維盛檢非違使源家宗等於大和釜摩多山討賊帥

致親姓九日癸卯謁賀茂社畧記十三日丁未關白教

通罷左大臣補仕十六日庚戌朝陽明門院畧記二十二

日丙辰右大臣藤原師實為左大臣內大臣源師房

為右大臣大納言藤原信長為內大臣補九月七日
庚午大風雨壞廬舍皇紀為九日今據冬十月二
十八日辛酉卜定佳子內親王為齋院編年記編是
月發大神室使閏月四日丁卯致親伏誅記畧十一日
甲戌始置記錄所於太政官朝所百鍊鈔愚管鈔十
一月癸巳朔日南至公卿表賀醍醐報恩院八日庚
子以豐受宮戶鎖不開遣參議藤原良基於伊勢奉
幣大神宮朝野群載伊勢二十四日丙辰詔曰二曜
合璧則居諸無愆運行之度五緯連珠則陰陽不失
推步之期故寰海風暖潛鱗誇於春水之波邊塞雲

晴賓鴻翥於秋日之影星序迴環發欵相應者也朕
嗣守昌基謬登大位日慎一日年及二年朝晡忘儉
恐璇璣之未洽夜分輟寢思玉燭之難調迺者公卿
奏言當寶曆改元之年迎朔且冬至之日得天之紀
終而復始忝臨膺籙之初適有嘉瑞之至雖慙薄德
之運猶慶布代之祥誠是王者延祚之義非唯宗祧
之降祉福柳在人臣之致扶持思與兆民共休徵可
大赦天下叙爵賜物一準旧典庶施靈貺於九有答
禎符於一章報恩院十二月二十八日庚寅太宰府
言宇佐宮鳴畧

二年庚戌春正月二十五日丁巳地震畧記是月遣檢

非還使逮捕狩獵剪伐於省列南北陵域者畧記

二月七日戊辰定絹布制占宇佐宮鳴十二日癸酉

禁中火主殿寮屬撲滅之十四日乙亥停近江今年

日次御贄廢筑摩御厨令高砂御厨進菜蔬停獻魚

二十六日丁亥幸閑院觀陽明門院畧記三月二十三

日甲寅以關白教通為太政大臣補仕要記是日延曆

寺總持院火百鍊鈔係三月二十六日畧記一說是

月太宰府天南有聲如鼓夏四月十二日壬申遣使

備前檢察銅金青綠青畧記秋八月十五日癸酉敕遣

權大納言源隆國參議源經信及辨外記史已下修

石清水放生會著為恒典畧記百鍊鈔今鏡編年冬

十月十四日辛未感神院火要記係八月畧記從畧記

物語在祇園行二十日丁丑地大震廬舍多壞畧記

鈔之後畧記非畧記十一月七日甲午以上東

門院疾大赦天下畧記朝畧記二十一日戊申地震畧記十

二月二十六日壬午慶圓明寺車駕臨幸皇太子從

焉畧記百鍊畧記編年畧記

三年辛亥春正月十六日壬寅使一千僧轉讀觀音

經於太政官以禳疾疫二月四日庚申有流星入紫

微宮大如疊有星似雲而光三月五日庚寅造宮十
七日壬寅天有光如月自東亘西記畧二十七日壬子
置修理左右宮城使日皇記係二月六日以從五位下源
基子為女御記畧夏六月二日丙辰改圓明寺為圓宗
寺百鍊鈔二十九日壬午慶圓宗寺常行堂灌頂堂
車駕臨畧記百鍊鈔七月十二日乙未親試侍臣
詩百鍊鈔八月十日壬戌關白教通罷太政大臣補任
皇十七日己巳以皇子實仁為親王畧記係十二日
紀殘二十一日癸酉幸春日社要記興福二十八日
庚辰宮成自高陽院徙御焉畧記百鍊鈔冬十月二十九

日庚辰幸日吉社編年記皇紀為二年今十二月六
日丙辰宴清涼殿百鍊鈔
四年壬子春二月六日丙辰有牛上左近衛陣座斲
公卿班席百鍊鈔係十一二十日庚午天皇下東庭
遙拜太神宮三日而止百鍊鈔三月二十六日丙午幸
稻荷祇園畧記百鍊鈔夏四月大極殿成十五日
甲子臨御設宴作樂王公以下賜物有差畧記百鍊鈔
紀二十三日壬申始修日吉祭源諸神記秋七月
自六月至是月疱瘡流行百鍊鈔八月十日丙
戌定沽價法百鍊鈔九月二十九日甲戌定斗升法用

長保例編年記係二年九月今從畧記東寺長者冬

十月二十五日庚子幸圓宗寺始修法華最勝二會

二十七日壬寅又幸圓宗寺畧記百十一月九日甲

寅官符畿內禁私養鷹鷄縱獵近郊朝野二十九月

甲戌創金剛壽院於延曆寺及園城寺東寺各建一

院置阿闍梨是月鹿入禁中放之西山十二月七日

辛巳供養萬僧畧記八日壬午不豫讓位於皇太子從

御飛香舍畧記百鍊鈔要記編年記不豫據榮上太

上天皇尊號畧記補畧記要記東寺長者世稱一院榮華出

居二條第畧記百鍊鈔河五年二月與陽明門院聰子內

親王幸石清水住吉天王寺關白教通以下多扈從

焉要記百鍊鈔愚四月病劇欲御圓宗寺而終焉大

漸不能如志從御但馬守源高房大炊御門第是月

難髮畧記百鍊鈔法名金剛行百鍊鈔編年記紹運

初園城寺奏請建戒壇敕群臣議其可否而延曆寺

沮之不可其奏又以大僧都勝範為天台座主以故

園城寺僧徒不平之法皇以為新羅明神崇致病自

作祭文禱新羅社畧記五月七日庚戌法皇崩于大炊

御門第年四十畧記百鍊鈔皇代畧記火葬于神樂園南藏

御骨于禪林寺畧記百鍊鈔皇代畧記彌後三條院初

後朱雀帝殊鍾愛帝欲傳位於後冷泉帝以次相及
而帝屬疎於藤原氏關白賴通等素不屬意事殆寢
賴大納言能信言得立為東宮愚管鈔榮華物語尚方有壺
切劔必傳東宮及帝為皇太弟賴通不肯上曰縱雖
正位青闈自非藤氏出則不可得帝聞之曰一劍何
用我不欲焉江談及即位後教通上之續古事談按
平二年正月八日一條院火壺切亦焚而其在東宮
續古事談所載如此蓋其後改飾獻之也其在東宮
孤立無援一日有罪人逃匿宮側別當源經成率檢
非違使等逮捕恐其逸入宮中圍及宮經成親執兵
在中門廊宮臣驚愕帝起更衣少時事定撤圍而去

世疑儲位有變帝亦不安時有平行親善相嘗曰帝
必踐大位誰得動搖果如其言鏡僧成尊問曰殿下
常拜北斗帝曰月必一拜非敢祈踐祚而有時或
念即位則欲云云自省此念萌于不忠因拜之以悔
過成尊感泣而去右事御府藏應神帝玉冠歷世天
子每大嘗必冠之而其制不適唯帝冠之宛如為制
帝常悅焉古事談按東齊隨筆大嘗作即位在儲位二十餘年見藤
原氏擅權心甚不平又數緣事積恐賴通而含忍不
發及即位痛抑其權奪之政柄賴通已退宇治禪帝
威嚴歛藏蹤跡教通雖居台輔備員而已榮華物語愚管鈔

是時權貴多占莊園為民蠹害帝憂之命其家上契券置記錄所檢覈虛實愚管鈔正統記欲審量制命新作器使藏人頭藤原資仲督之帝自抽簾截竹為之準及成資仲等率藏人出納小舍人量殿庭沙試之而取穀倉院米量之後世遵用謂之宣旨升愚管鈔東又造方櫃容壹斛石為銜衡其輕重其器傳在教倉院東隨筆後冷泉帝末年風俗華侈雖下吏車亦以金飾之帝欲革其弊即位初幸石清水都人士女出觀函簿車有金飾者帝為駐鑾輿命盡剔去唯乳母所乘僅得請免後幸賀茂絕無車金飾者今鏡古事談專尚

儉素御崩用檜柄藍紙青魚頭塗胡椒炙充御膳古事談其造圓宗寺慮損國用務從質朴今鏡性惡大宮中有一犬命放之外京師諸國傳聞或有殺犬迎合者帝聞大驚下令禁止古事談自少好學才能絕倫續往生傳續古事談自著禁秘記抄仁和寺書旁通佛乘續往生傳又好吹笙禁秘抄或問大江匡房曰主上文才誰比對曰殆與江佐國抗衡續古事談一條帝以來政歸相門朝憲稍弛帝剛健嚴明不受牽制勵精圖治躬親機務俗反淳素規模大定恩威兼著寬猛相濟公道是從請託不行理苟不合則雖母后所言猶不許可自是

皇綱再張群下肅然榮華物語帝欲傳位東宮居院續往決政然去位未幾而崩愚管賴通嘆曰我邦不率莫甚於斯大江匡房謂教化被世可比隆於承和延喜續往生傳

天保十己亥年秋重陽日謹書寫之

中村萬喜直道

大日本史卷四十二終

大日本史卷四十三

本紀第四十三

權中納言從三位源光圀修男權中納言從三位綱條校

白河天皇

白河天皇諱貞仁後三條帝長子也母贈皇后藤原

氏天喜元年六月十九日丁亥生扶桑畧記百鍊鈔

按百鍊鈔為二十日今從中右記康平六年十二月始

讀書皇代治曆元年十二月冠于閑院四年八月為

親王愚管鈔一代要記延久元年四月立為皇太子

畧記百鍊鈔今鏡四年十二月八日壬午皇太子受
中右記大治四年畧記今鏡百鍊鈔中右記大治四立皇
禪于昭陽舍年按愚管鈔作十月六日受禪誤
第實仁親王為皇太子畧記百鍊鈔玉關白教通左
大臣兼左近衛大將藤原師實右大臣兼右近衛大
將源師房內大臣藤原信長並如故以師實為皇太
弟傳公卿補任十二日丙戌尊後三條帝曰太上天皇畧記
二十九日癸卯天皇即位於大極殿時年二十畧記
鈔要記中右延久五年癸丑春二月十六日庚寅卜定淳子內親
王為齋宮費女抄編二十日甲午上皇幸石清水宮

住吉社四天王寺二十七日辛丑還宮畧記百鍊鈔三月
十一日甲寅卜定篤子內親王為齋院費女抄編十
八日辛酉上皇不豫大赦夏四月甲戌朔日有食之
二日乙亥怪雲亘東西畧記七日庚辰親上皇侍醫藥
二十日甲午上皇落髮東寺長者補任為二十八癸
卯晦親法皇畧記古五月甲辰朔召五百僧於院內
轉讀法華經千部以禱法皇病六日己酉追尊所生
女御藤原氏曰皇太后畧記今鏡作皇后今從七日
庚戌法皇崩十七日庚申葬後三條天皇畧記百鍊鈔是
月大水鈔百鍊秋七月二十三日甲子以藤原賢子藤

原道子為女御今從九月十六日丙辰以將造豐樂院遷御前太政大臣賴通高倉第畧記百鍊鈔冬十月宋主附入宋僧成尋贈金字法華經大藏經錦二十段

養保元年甲寅春正月二十日戊午地震二十二日

庚申又震二月二日庚午前關白太政大臣賴通薨

十二日庚辰地震三月二日巳亥雨雪九日丙午恠

雲亘天畧記夏六月九日乙亥延曆寺僧徒率眾焚園

城寺堂宇編年十六日壬午天皇還自高倉第御凝

華舍畧記百鍊鈔上太皇太后號曰二條院畧記女非帝

帝

母上院號始于此要記歷代皇記二十日丙戌冊女御藤原

賢子為中宮畧記二十二日戊子尊皇太后為太皇太

后皇后為皇太后中宮馨子內親王為皇后榮華物

編年二十八年甲午遣參議源經信于伊勢奉幣太

神宮祈禳厄災伊勢公卿秋七月十六日壬子徙自

凝華舍御清涼殿百鍊鈔八月二十三日戊子改元養

保冬十月三日丁卯上東門院崩畧記百鍊鈔甲

午晦御襪十一月二十一日乙卯大嘗畧記百鍊鈔十

二月八日辛未卜定齋子內親王為齋院費記女抄編

按年中行事公事根源皇紀皇年代畧記並云十二

月內侍所御神樂養保以後每年有之而不載其在

何年故不書附此備參考編年記係
永保三年蓋兼保之記也今不取

二年乙卯春正月十九日壬子行幸左大臣藤原師

實東三條第以皇子教文為親王記畧二月延曆寺僧

與園城寺僧爭建戒壇相鬪編年記三月八日庚子

遣中納言藤原實李伊勢奉幣太神宮穰災異伊勢

例救使十四日丙午謁石清水宮紀氏系圖玉夏四月

二十三日甲申謁賀茂社編年記係三月二十日癸未

從玉海兼安三年閏月召諸宗僧於弘徽殿轉讀大藏經二

十八日己未除名散位源基宗有罪流佐渡畧五月

二十四日甲申廢後冷泉贈皇太后藤原氏陵置贈

皇太后藤原氏陵百鍊秋七月十一日辛未慶讚金

字大般若經於石清水八月庚寅朔日有食之畧

拾遺往生傳帝預勅仁和寺性信祈消其災此日晴

並云於飛香舍修孔十一日庚子除名少內記藤原

為定坐恣發播磨官舍炮殺百姓流於常陸畧十三

日壬寅創法勝寺於白河百鍊秋七月十一日辛未慶讚金

公卿御願寺立柱上棟十四日癸卯遷御賀陽院

鈔二十八日丁巳觀競馬百鍊鈔九月二十五日甲

申關白教通水左記畧冬十月九日丁酉彗星

見要記中右記十五日癸卯以左大臣藤原師實為

關白畧記補任十九日丁未召百僧於大極殿轉讀

大般若經三日以禱民庶暴死畧記二十一日巳

酉大赦畧記二十七日乙卯關白師實罷左近衛大將

水左記補十二月關白師實罷皇太弟傳補任要記

他無記七日甲午行幸春日社要記補任十五日壬寅以

右大臣源師房兼皇太弟傳轉左近衛大將內大臣

藤原信長兼右近衛大將補任要記

三年丙辰春正月戊午朔日有食之二百餘條七日甲

子節會舞姬上殿舞殿無故而倒水左記九日丙寅地

震三月四日巳未謁石清水宮畧記夏四月九日甲午

軒廊卜伊勢神宮百枝松例水左記二十三日戊申謁

賀茂社百鍊鈔為二十以有祈請自是每年三月謁

石清水四月謁賀茂以為定式畧記園太曆貞和四

明年以後當畧而不書然此後兩社行幸曰記或載

或否蓋有闕文故其散在曰記者姑從其實而書之

六月十三日丁酉慶金剛壽院水左記秋七月二

十三日丁丑造六條宮八月癸丑晦宮成車駕臨幸

園太曆貞和二年冬十月二十日癸卯行幸松尾北野補任官

二十四日丁未行幸大井河獵嵯峨野公卿侍臣皆

從畧記百鍊鈔今鏡十二月二十一日癸卯徒自賀陽院御

六條宮百鍊鈔園太曆貞和二年按水左記

明年十一月條為二十日蓋脫一字

養曆元年丁巳春二月五日丙戌香推廟火畧記百
十一日壬辰觀陽明門院于三條宮玉葉嘉禎元年十七日
戊戌右大臣兼皇太弟傳左近衛大將源師房薨補
畧二十六日丁未行幸日吉社玉海別三月九日巳
未謁石清水宮加封五十戶畧按盛衰記是春有
家小兒因停子日會而事涉恠誕故不書夏四月九日戊子以參議藤原
師通兼左近衛大將畧補任二十一日庚子遣權中納
言源資綱于伊勢奉幣大神宮伊勢公卿五月四日
癸丑詔曰近者乾坤屢呈變動之異華夷間有疾疫
之憂消其災沴不如肆眚可大赦天下常赦所不免

者咸赦除之蓋除刑法于三木之下拂禍殃於萬柳
之外也而所司懈緩頒下誓留強違明恩之心已非
昧爽之義宜不待施行之符早隨原免之例朝野群
記元年永五日甲寅報書宋主贈答信物六文織絹二
百匹水銀五十兩鈔秋七月十七日乙丑以香椎
廟火遣右中辨藤原正家於宇佐廢朝五日水左記
鈔編年記並云十七日遣東宮學士大江匡房水左
記曰匡房依病辭退以正家代之是日發遣今從之
二十九日丁丑晦修百座仁王講於大極殿是月旱
水左記按百鍊鈔要記編年紀敘云是歲旱而不書
何月水左記按百鍊鈔要記編年紀敘云是歲旱而不書
不雨今夜難雨無八月四日條曰六月十四日以後天久
益稼穡故係是月八月九日丙戌修孔雀經法於禁

丙十六日癸巳非常赦水左記十七日甲午式部卿敦
賢親王薨畧記從水左記十九日丙申以天皇弟豫痘
瘡流行奉幣二十二社水左記九月六日癸丑教文親
王薨畧記從水左記八月十六日癸亥陽明門院三
條東洞院宮火水左記冬十月九日丙戌從自六條宮
御賀陽院水左記百鍊鈔畧十一月十一日戊午軒廊卜盜
入梅宮水左記十七日甲子改元承曆水左記畧記二
十三日庚午行幸六條宮避方忌二十四日辛未還
宮水左記十二月丁丑朔行幸祇園稻荷水左記六日
壬午奉幣梅宮水左記十八日甲午慶法勝寺車駕臨

幸焉水左記畧記百鍊鈔仁和尚寺御傳二十四日庚子給封一千五
百戶於法勝寺閏月天皇自賀陽院還御大內水左記
本書閏十二月二十三日條曰主上當以二十五日
還御內裏而其後無還御明文故不日百鍊鈔為十
二月二十八日是歲痘瘡大行貴賤多死榮華物語百
日蓋脫閏字記要

二年戊午春三月八日壬午遣權中納言藤原實季
于伊勢奉幣大神宮伊勢公卿夏四月十八日辛未
御清凉殿歌合百鍊鈔為四月晦今從畧記今五月
五日戊寅雨水畧記百鍊鈔六月十八日庚申以流入源
基宗藤原為定逃歸京師重流基宗于下野為定于

常陸畧記秋八月二日癸卯卜定媿子內親王為齋宮

要記玉海治兼二年二十七日戊辰從自大內御賀陽院二十

八日巳巳觀競馬畧記冬十月三日甲辰始修火

乘會於法勝寺六日丁未行幸法勝寺授僧官位有

差畧記百鍊鈔仁和寺十六日丁巳以咒詛故救檢

非違使捕威儀師恩紹奉騰信李鞠問之百鍊鈔信

十一月二十五日乙未還御大內畧記

三年巳未春二月二日辛丑京師火十八日丁巳伊

勢內宮外院火印鑰及累代文簿蕩盡二十五日甲

子遣右中辨藤原通俊于伊勢檢察之廢朝五日畧記

百鍊鈔三月八日丁丑遣參議左大辨藤原伊房于伊

勢奉幣大神宮畧記伊勢公夏五月二十九日丙申

遣權中納言藤原實季于伊勢奉幣大神宮伊勢公

例六月二日巳亥延曆寺僧數百人百鍊鈔作環甲

執兵入感神院詐祇園別當讓補事敕令諸衛檢非

違使等拒之還山畧記百二十七日甲子洪水漂伊

勢外院屋五區百鍊鈔係五月二秋八月先是右兵

衛尉源重宗與散位源國房構兵戰於美濃十七日

壬子敕前下野守源義家討之水左記畧冬十一月

三日丁卯以皇子善仁為親王百鍊鈔要記十二月

皇紀編年記

二十四日戊午太皇太后四條宮火畧記百甲子晦

大赦畧記

四年庚申春正月二十四日戊子遣權大納言源顯

房于伊勢奉幣太神宮伊勢公卿二月六日庚子賀

陽院火遷御大内編年記係三月六日今從畧記百

内其後不書高九日癸卯高倉殿火水左十四日

戊申三條宮火是春京師數火畧記百夏四月二十

三日丙辰行幸關白師實堀河第二十八日辛酉遷

御西洞院宮百鍊五月十一日癸酉遷御堀河第經

記百六月十八日巳酉雨水畧二十日辛亥使六十

僧讀大般若經於紫宸殿秋八月六日丙申以盜竊

神宮衣服奉幣大神宮經信十四日甲辰以内大臣

兼右近衛大將藤原信長為太政大臣權大納言源

原俊家為右大臣權大納言藤原能長為内大臣兼

皇太弟傳水左記補二十三日癸丑以權大納言源

顯房兼右近衛大將補閏月五日甲子高麗王牒太

宰府獻方物求醫朝議以牒狀失禮却之經信記百

粹二十日巳卯越前言宋商孫忠賈明州牒至款賀

津遣使取其牒百鍊鈔孫忠或作孫忠悟又作孫忠

朝野群載皆作是月月犯心星經信九月九日戊戌

孫忠今從之

宋牒至宋主復贈錦綺廷議宋主通聘復絕既久而
比年數至事涉疑似不宜報聘從之畧記百鍊鈔二年十
月諸卿定申大宋國貢物事是年五月又議此事是
非一朝夕之事今據畧記冬十月二十三日辛巳開
院火鈔百鍊十一月己丑朔日有食之十二月二十四
日壬午大赦畧記
永保元年辛酉春二月戊午朔遣權中納言源師忠
于伊勢奉幣大神宮伊勢公卿十日丁卯改元永保
水左記畧赦給老人僧尼教水左記按本書云用三
記百鍊鈔救給老人僧尼教治安元年例今據御
月三日庚寅修孔雀經法於弘徽殿孔雀經御五日

夏

壬辰興福寺僧數十入多武峯燒民家三百餘區多
武峯僧負大織冠像逃匿僅免因罷興福寺別當公
範逮捕首惡繫獄水左記百鍊鈔是月大織冠像破
裂墓鳴九日條曰多武峯畧記六日像破裂經信記十
二十三日條曰二十一日又夏四月十五日壬申先
破裂蓋非一日事故不係日夏
是大津神人因事忿爭訟于延曆寺延曆寺僧不可
園城寺僧心不平之至是率兵數百凌辱日吉祭使
不遂祭事水左記畧八月二十八日乙酉延曆寺僧
徒率兵赴園城寺園城寺僧徒出拒之兵各數十張
陣將戰及晚引去畧記五月十八日甲辰奉幣丹生貴

布禰祈晴經信六月五日庚申遣使修日吉祭園城

寺僧徒率眾邀之水左記八月十日九日甲子延曆寺

僧數千入園城寺燒堂社房宇二千餘區愚管鈔為四日今從

水左記八月十八日條經十八日癸酉遣使園城寺

檢察記畧秋七月二十一日丙午遣參議源俊明于伊

勢奉幣大神宮伊勢公卿八月乙卯朔園城寺僧數

千將燒延曆寺敕檢非違使禁之水左六日庚申遣

使奉幣日吉告僧徒戰爭比至日暮山僧以為園城

寺僧射之官使不能畢禮僅免而還畧十日甲子造

三條宮十二日丙寅使千僧讀仁王經於大極殿十

八日壬申修日吉祭二十日甲戌敕延曆寺園城寺

捕僧徒兇魁水左二十一日乙亥皇太第加元服水左

記畧係六日誤按九月十三日丙申園城寺僧可三

百乘夜寇延曆寺延曆寺僧擊殲之十四日丁酉敕

遣檢非違使及下野守源義家於園城寺逮捕凶徒

十五日戊戌延曆寺僧徒復燒園城寺監寺滿盡水左

記畧鈔二十日癸卯奉幣九社告僧徒擾亂先是園

城寺兇魁走保牛尾山二十四日丁未遣前陸奧守

源賴俊捕之水左冬十月十四日丁卯謁石清水宮

敕源義家義綱扈從乘輿以備僧徒水左記經信十

九日壬申謁賀茂社水左記十二月四日丙辰行幸

春日社水左記五月四日誤要十九日辛未省試經信

二年壬戌春二月十九日辛未修最勝會於圓宗寺

以為永式年中行事三月二十八日巳酉修仁王百

講續文夏五月狹城角列池上陵樹火二十日庚子

奉幣石清水告之廢朝三日畧記百秋七月自四月

不雨至是月畧記編十一月庚寅修孔雀經法於神

泉苑祈雨者補任十六日乙未修請雨經法於神泉

苑畧記編年記二十八日丁未修孔雀經法於東寺

二七日永昌記東寺長者補任雨二十九日戊申大內

火起內膳司大炊屋延及神嘉殿天皇避之太政官

朝所遂從六條宮畧記百鍊八月三日壬子遷御關

白師實堀河第鈔百鍊七日丙辰大雨東寺長者補任

釋冬十月二日巳酉右大臣藤原俊家薨畧記九日

丙辰彗星見山槐記治十七日甲子熊野僧徒三百

餘人奉神輿至京師訖尾張人殺其徒畧記編十一

月十四日辛卯內大臣兼皇太弟傳藤原能長薨補

畧二十一日戊戌付牒孫忠報于宋百鍊鈔按兼曆

又議此事宜遣返牒蓋改前議至此發遣也戴二十

七日甲辰行幸仁和寺慶喜多院畧記百鍊鈔行幸

十二月九日乙卯以大納言源俊房為右大臣畧記

日補任一本要記編年記十九日按水左記十九日

條云此日予任右大臣大饗也然則非十九日可知

今從補十日丙辰遣權中納言源俊明于伊勢奉幣

任皇紀伊勢公卿是歲大旱天下饑饉停營造宮室

大神宮伊勢公卿是歲大旱天下饑饉停營造宮室

畧記百伊勢公卿是歲大旱天下饑饉停營造宮室

三年癸亥春正月二十六日壬寅以右大臣源俊房

為左大臣權大納言源顯房為右大臣權大納言藤

原師通為內大臣畧記為十九日二月十三日已

未勅仁和寺性信親王修孔雀經法于六條宮二十

日丙寅叙性信於二品親王和仁雍深而叙品始于此

寺御傳為三月十六日辛卯謁石清水宮皇紀

從後拾遺往生傳為四日今從園二十八日癸卯富士山焚畧記夏四月

太曆文和二年二十三日戊辰謁賀茂社皇紀冬十月癸酉朔行幸法

勝寺慶九層浮圖畧記百鍊鈔東寺

應德元年甲子春二月七日丙子改元應德畧記百鍊鈔要

紀皇詔曰朕夙受玄珪嗣膺寶籙小量而應域中之

大陋質而處天下之尊履春冰於深淵負重失步被

秋霧於連山草故傳蹤方今青祗施仁漸及三陽之

半甲子開曆宜慎一元之初與夫廢寢忘食豈如修

德防妖須尋漢策於建元之徽號又解殷網於宥過

之洪茲其改永保四年為應德元年大赦天下常赦
 所不免者不在此限又高年及鰥寡孤獨篤癯不能
 自存者量加賑給歲降渥澤於圓蒼之下將扇薰風
 於淳素之基改元十一日庚辰徙自六條宮御三條
 宮百鍊鈔行類鈔按補仕先是自堀河第遷六條宮
 然其年月不可考故不書又按兼曆四年三條宮
 火其後營造三月八日丁未謁石清水宮園太曆文
 諸書無所考

夏四月十日己卯遣權中納言源雅實於伊勢奉宸
 筆宣命幣帛於大神宮伊勢公卿
 敕使例十一日庚辰造園
 城寺金堂畧記秋八月二十六日癸巳大風平野社
 樹折神殿損壞除目大
 成抄九月二十日己未中宮崩畧記

百鍊鈔冬十月丁卯朔葬中宮鏡今
 二年乙丑春二月二十一日乙酉高良社火三月十
 日癸卯以熊野新宮遷宮遣使奉宸筆宣命及神宝
 百鍊鈔按本書敕使權中納言清盛然
 檢補仕要記無清盛者故闕疑不書十五日戊申
 雨雪夏四月二十七日庚寅日薄蝕如血畧記秋七月
 京師民每街建小祠榜曰福德神或曰長福神白朱
 社貴賤競集置酒縱飲敕檢非違使毀之八月太宰
 府言高良社石硯及高座生金花百鍊鈔是秋太宰府
 言阿糠宮雨雪朝野冬十一月八日戊戌皇太弟薨
畧記百鍊鈔要記十四日甲辰高良社恠異百鍊鈔

三年丙寅春正月十九日戊申日赤無光畧記夏六月

二十六日壬子敕檢非違使刈西京田稻三百餘町

以食牛馬畧記秋七月規九條以南鳥羽山莊百

餘町造離宮近臣以下至庶人賜宅地課五畿七道

徭役穿池築山宏敞鉅麗營構極巧畧記冬十月二十

日甲辰慶東寺五層浮圖師通記畧記百鍊是月鳥

羽宮落成師通記參議藤原通俊上拾遺和歌集拾芥

十一月七日辛酉遣權中納言源雅實於伊勢奉宸

筆宣命及幣帛於大神宮祈弭災異師道記百鍊鈔伊勢公卿敕使

例二十六日庚辰立善仁親王為皇太子即日讓位

于皇太子師道記畧記百鍊鈔愚管抄百十二月上尊號曰太上天

皇續文自中宮崩悲悼特甚應德元年至是歲節會

宴會不復臨焉榮華物語寬治元年二月始幸鳥羽

宮儀衛如臨御時中右記五月幸宇治平等院淹留

三日攝政以下公卿從焉中右記畧記二年二月幸高

野山路經南都供張甚盛徧禮佛塔寺院遂至高野

觀釋空海像使僧講經敕聽置阿闍梨營造大塔賜

僧粟帛有差中右記十一月幸延曆寺留三日三年

五月又幸淹留七日使千僧讀經中右記十二月幸

近江彦根西寺禮觀音像四年正月幸熊野奉近郡

田圃百餘町中右記畧十月幸清水寺留十五日中右

記六年七月幸金峰山奉安法華經百部金字五部

大乘經宸筆金字法華經等賜袈裟於百僧置阿闍

梨畧記百嘉保二年造閑院六月宮成上皇與郁芳

門院徙居之是後屢徙御鳥羽宮六條宮泉殿大炊

殿中右記八月作前栽合於鳥羽宮以權中納言藤

原基忠為左隊長參議藤原宗通為右隊長谷上倭

歌使左大臣源俊房判其優劣百鍊鈔永長元年三

月召文人於閑院賦詩中右八月郁芳門院崩上皇

哀悼殊甚遂落髮中右記大治四年百鍊鈔今鏡編

於隆命紹運錄曰法名融觀而中右記今鏡並云康

不受戒無法名台記康治元年有明文故不取

和三年三月慶鳥羽證金剛院鈔天仁元年九月

修百座仁王講於法勝寺金堂尋奉法勝寺使十僧

讀經奏樂中右二年四月藏金字佛經於賀茂石清

水春日稻荷日吉祇園北野住吉八社編年是歲慶

法勝寺曼陀羅堂及鳥羽塔鈔天永元年三月幸

法勝寺慶金字大藏經百鍊鈔編年記係二年五月

修三十講於法勝寺中右記永久二年十一月慶白

河蓮華藏院安大像九軀元永元年八月開鳥羽倉

廩振贍京師飢民幸熊野慶大藏經於本宮中右記

百鍊鈔

保安三年四月造小塔三十萬大谷五寸置於法勝

寺設舞樂而慶之百鍊鈔大治四年五月端午時

敕鑄護釵取諸重午之義百鍊鈔七月幸二條東洞院

第慶佛像三十軀還宮不豫中右記七日癸未法皇崩

于三條鳥丸第年七十七中右記愚管稱白河院梅

中行事七月條云上號鳥羽院後改白河院據中右

記法皇常御鳥羽宮故往々稱鳥羽院臨崩遺詔曰

白河院非改之也又畧記亦稱六火葬于衣笠山東

條天皇蓋以時御六條宮故也

麓安御骨于香隆寺中右記天兼元年七月藏鳥羽塔

中奉遺詔也梅皇年代畧記云葬神樂園山帝器度

弘大嚴而溫雅信賞必罰剛斷果決政出宸衷相門

斂手頗有後三條帝之風烈而愛惡任意寵辱若驚

任官職不遵旧典中右記源俊明藤原顯隆顯賴等

最被親幸雖攝錄臣皆憚之愚管初鳥羽帝之未生

也堀河帝有病人皆屬望輔仁親王帝聞之曰朕雖

出家未嘗受戒制法名主上若有不諱朕再踐位何

憚之有既而鳥羽帝生其志遂寢暨堀河帝崩乃立

鳥羽帝台記康治元年梅愚管鈔載堀河帝崩天皇

有再登極之志以其落飾故立鳥羽帝云云

今從而機務一出於院中至崇德帝即位四十餘年

間刑賞黜陟莫不與聞凡以院宣號令天下置別當

北面始自此焉中右記愚管鈔今嘗曰天下無不用

鏡神皇正統記

朕命者惟不如意者鴨河水雙陸米山法師而已盛
記善射好詩歌教撰後拾遺和訶集金葉和歌集續
本朝秀句鏡寫信佛法自書金字大藏經受法華經
於釋增譽玄義文句止觀於釋良真今鏡元屢率法
勝寺使十僧讀經慶大藏經常燃百燈畧記百鍊鈔
其慶金字大藏經於法勝寺數遭雨停之帝震怒以
為雨有罪乃盛雨於器而下獄時人謂之雨禁獄古
談盛衰記凡天皇終世四幸高野八幸熊野畧記百鍊鈔
所慶盡佛五千四百七十餘幅丈六佛像一百二十
七軀等身佛像三千一百五十軀三尺以下佛像二

願天

千九百三十餘軀七宝塔二十一基小塔四十四萬
六千六百三十餘基中右記按百鍊鈔要記保安三
又云大治三年供養十八萬基然則前嚴禁天下獄
後四十八萬基與此不合今從中右記
放生放鷹隼鷓鴣諸籠鳥燒漁網八千八百餘張中右
秋記大治四年百鍊鈔大治元年按百鍊鈔皇紀並
云收諸國羅網五千餘張燒紀伊所上漁網於宮門
前續文粹載藤原敦光所撰一切經供養殿史停式
曰燒豫且之密網敦光雖殿上臺盤殆如六齋日釋
條所載諸國貢魚願文
奠亦用素饌惟神厨僅存舊式今鏡釋奠用素饌據
有僧捕魚桂河吏收而致之闕詰問其故僧曰有母
年老無魚則弗食羸瘦瀕死方今有禁求之不得遂

至此假令放之不可復生願以遺母而後就刑帝怒其志宥罪賜物時人感之著聞集十訓栞屢事營造國用凋喪國司遷替頗乖舊典定任者三十餘國上萬石萬足者輒得為國司至有父子三四人同時竝任雖十餘歲者亦得仕焉時尚奢靡如賤女子錦繡其衣右中記帝甚好色幾亂理談古事後世以為保元之亂實兆於此

天保十己亥年冬十月十六日謹書寫之

中村萬喜直衛

大日本史卷四十三終

大日本史卷四十四

本紀第四十四

權中納言從三位源光圀修男權中納言從三位綱條校

堀河天皇

堀河天皇諱善仁白河帝第三子也母中宮藤原氏扶桑略記今鏡愚管兼曆三年七月九日乙亥生但鈔百鍊鈔一代要記馬守橋俊綱第今鏡為二月二十日八坂本平家物語鈔東寺長者補任皇二年二月二十九日今從畧記百鍊院畧記皇年代畧記曰俊綱里第蓋與鴨院同所乎所無十一月為親王歷代皇紀永保三年二月著

袴皇年代記先是居關白師實大炊第應德三年十
一月二十六日庚辰徙堀河院立為皇太子百鍊鈔
紀年王即日受禪於堀河院毘沙門堂所藏記畧以
關白師實攝政公卿補仕畧太政大臣信長左大臣
源俊房右大臣兼右近衛大將源顯房內大臣兼左
近衛大將藤原師通並如故補仕十二月二日丙戌
尊白河帝曰太上天皇詔曰朕以幼冲濫臨神器受
龜圖於翠嬀之水謬乘時龍兼駭命於黃軒之丘如
馭秋駕怒從叡託之旨未決童蒙之情太上天皇德
侷蒼天仁洽慈黎照六合於宵襟置八荒於掌握長

亟有截之化遂盛無窮之基赫哉聖猷冠於萬古爰
比天統於纖歎同寶籙於錙銖不顧濟川之重浪遂
虛舟而鼓橈空指射山之片雲冀脫屣而尋跡將聖
之德切成不居者歟抑國崩玄風道傳粉澤宜率崇
敬之旧章用殊稱謂之新聽謹上尊號為太上天皇
續文十九日癸卯天皇即位於大極殿時年八歲紫
粹語為十六日皇紀要記長門本平家物語為二十
九日今鏡為十一月二十六日今從師通記畧記百
鍊鈔天祚禮祀職掌錄即日遷堀河院師通
編年記皇年代畧記即日遷堀河院師通
寬治元年丁卯春正月甲寅朔以日忌罷小朝拜四
方拜和園大曆負二月十一日甲午卜定善子內親王

爲齋宮中右記十二年乙未京師火三月六日戊午

御清凉殿觀馬中右記夏四月七日戊子改元寬治畧記

爲九日要記十四日皇紀編年記十七日日十九日庚

子遣使宇佐二十三日甲辰始臨萬機中右記五月二

十九日庚辰詔賑三條四條隱居高年篤癘貧窮者

鹽穀朝野秋七月旱十六日乙丑奉幣丹生費布禰

十七日丙寅讀經龍穴祈雨二十九日戊寅讀經神

泉苑九日中右記祈日八月七日丙戌卜旱九日戊子

奉幣五社祈雨十日巳丑修請雨經法於神泉苑三

日祈雨者補任冬十月二十二日庚子御禊十一月

十九日丁卯大嘗中右記畧記編年記十二月二十四日壬

寅始讀書中右記畧記二十六日甲辰省試中右記是

日陸奧守源義家上言俘囚清原武衡伏誅與列後

記係寬治五年今二十八日丙午雷中右記追尊中

宮曰皇太后二十九日丁未大風京師火中右記

二年戊辰春正月十九日丁卯朝上皇于大炊殿作

樂天皇親吹笛進院別當以下二十人位賜伶人物

有差中右記榮華物二月二十二日巳亥上皇幸高

野中右記畧記三月戊申朔上皇還宮中右記九日丙辰

謁石清水宮按榮華物語爲二月晦幸八幡十日丁

已還宮路過鳥羽宮觀上皇中右記榮

七日癸卯謁賀茂社中右記畧記園五月十三日戊

午遣使決神泉苑池祈雨讀孔雀經七日東寺長二

十日乙丑遣使太宰府推問大貳藤原實政射宇佐

神輿鈔六月二十六日辛丑大學寮請修孔廟祭

器服許之朝野二十七日壬寅使千僧讀經大極殿

祈雨中右記按本書明年五月條曰二年以旱廢相

不秋八月七日庚辰朝上皇于大炊殿觀相撲師通

取右冬十月八日庚辰發大神室使師通十一月癸酉

朔日南至公卿表賀師通二十日壬辰詔曰古明

王之世仰瞻次舍俯察暑儀照三照九之道上元無

愆允文允武之基中正宜舉故漢武帝之受圖辛巳

之年堪賀唐太宗之嗣曆甲子之運不差蓋是所以

皇天呈瑞聖人則之也朕謬以幼齡忝膺室命七政

未能在璇衡之數四序空恐失銅管之和迺者有司

奏云今年十一月朔且冬至得天之紀終而復始借

顧眇身寧會章首若非宗祧之靈睠是依臣佐之攝

行思與天下共斯休徵可大赦天下但常赦所不免

及欠負官物之類不在赦限換爵賜物一準旧典庶

洽惠澤於四海答嘉貺於八埏醞酬報恩院二十三

日乙未太政大臣信長罷補任為二十日畧記十二
記二十八日庚子上皇幸延曆寺師通記中壬寅晦
流前太宰大貳藤原實政於伊豆緣坐前肥後守時
網安房時綱姓闕畧記作前大貳廳官等八人土佐
百鍊鈔係二十九日畧記十二月十四日丙辰以攝
政師實為太政大臣職仍師實家記師通記中右
日十七日己未遣使石清水謝射宇佐神輿師通記
十九日辛酉八十島祭中右
三年己巳春正月五日丙子天皇加元服中右畧記
畧記 皇年代 十一日壬午觀上皇二十五日丙申式部省

正廳火是月住吉社鳴動中右三月十一日壬午行
幸春日社十二日癸未還宮中右記二十六日丁酉
殿上小弓合中右鍊鈔要記夏四月二十四日甲子奉幣
石清水中右二十五日乙丑攝政師實罷太政大臣
中右記補 五月八日丁丑祈雨丹生貴布禰中右十
三日壬午修孔雀經法於神泉苑九日祈雨十九日
戊子奉幣二十二日中右社雨記祈 二十日己丑修五龍
祭祈雨二十一日庚寅使十僧讀經東大寺中右記
記 修孔雀經法於東寺祈雨是日上皇幸延曆寺中
記 六月二十八日丁卯卜定令子內親王為齋院中

齋院記秋七月九日丁丑修孔雀經法祈雨祈雨

冬十月以外祖母源隆子薨廢朝三日百鍊十二月

二十一日戊午上皇幸近江彦根山西寺民間浮言百鍊

西寺觀音靈驗限于是年都鄙人士群集中右記

二十四日庚申上皇還宮中右記是歲大旱中右記

四年庚午春正月丁卯朔始四方拜三日巳巳觀上

皇中右記二十二日戊子上皇幸熊野中右記二月

十七日壬子行幸平野社二十三日戊午行幸大原

野社二十六日辛酉上皇至自熊野二十八日癸亥

司天臺言客星見中右記三月二十六日辛卯遣參議

藤原保實於賀茂上下社始奠神饌自是每日供以

為永式中右記夏四月十九日甲寅詣鳥羽宮

召文人賦試擬文章生天皇從上皇御船宴樂中右記

鍊百鍊二十日乙卯觀競馬騎射二十一日丙辰還宮

五月六日庚午祈雨丹生貴布禰六月九日壬寅

召參議大江匡房讀漢孝文本中右記十五日戊申

四條大宮女子一產三子要記皇紀皇紀二十一日甲

寅地震中右記秋七月十三日丙子奉神供田六百町

於賀茂上下社百鍊九月二十五日丙戌以厄年

疾疫非常赦冬十月六日丁酉使千僧讀經大極殿

中右 二十七日戊午行幸松尾社中右記園大十一

月四日甲子遣權大納言源雅實於伊勢奉宸筆宣

命於太神宮中右記伊勢七日丁卯行幸北野社中

文和二年十二月二十日庚戌師實罷攝政為關白

中右記師實家記補任

五年辛未春正月六日丙寅地震中右記十二日壬

辰大風八省院西廊倒中右記春日社神木多僵

中右 十三日癸酉親上皇於大炊殿中右記二十二

日壬午尊準母媿子內親王為中宮中右記二月

十一日庚子上皇幸日吉社中右記十七日丙午上

皇幸高野中右記是日大風十八日丁未又風通

記 二十三日壬子上皇還六條宮中右三月五日甲

子地震中右記八日丁卯行幸日吉社中右記夏

五月己未朔日有食之二日庚申使十僧讀經大極

殿秋七月九日丙寅修百座仁王會於紫宸殿八月

四日庚申以齋宮疾奉幣太神宮中右七日癸亥地

大震中右記冬十月三日戊午行幸稻荷祇園社中

文和二年六月辛酉殿上小鳥合百鍊鈔係九月要

今從中右 二十五日庚辰以準三宮篤子內親王為

女御記畧記中右十二月十日甲子奉幣太神宮謝例

幣遲期中右記十三日丁卯火隅八幡宮火中右記百

係記六年四月誤

六年壬申春正月甲申朔以日忌罷小朝拜節會不

御殿按皇紀以為去年十二月藤原實二十三日丙

午始視除目按師通記係中右記百鍊鈔二月二十九日

壬午觀上皇於六條殿師通記三月六日巳丑京師

火延十餘町中右記興福寺僧與山城相樂郡賀茂

邑人相惡燒其邑二百餘戶師通記中夏四月八日

庚申以石清水日吉有怪異奉幣六月七日巳未有

虹見禁中中右記二十九日辛巳太宰府言香椎廟神

殿有血百鍊鈔秋七月二日癸未上皇幸金峯山百鍊鈔

年鈔八月三日甲寅諸國大風伊勢内外神宮殿廊

例大水海溢損田壤盧民多死百鍊鈔皇紀為二十

一日壬申遣權大納言源雅實於伊勢奉宸筆宣命

神室於太神宮伊勢公卿二十八日巳卯有虹遶日

記畧九月二十八日戊申以延曆寺訴貶尤少辨兼加

賀守藤原為房為阿波權守流宮内少輔高階仲實

于安藝畧記百鍊鈔要冬十一月十日巳丑地大震

畧記七年癸酉春正月三日辛巳觀上皇於六條殿師通

畧記

七年癸酉春正月三日辛巳觀上皇於六條殿師通

記十九日丁酉上中宮媛子內親王號曰郁芳門院
畧記編年記 二月十四日辛酉地震師通記 二十
日丁卯因幡言僵樹自起鈔百鍊 二十二日巳巳立女
御篤子內親王為中宮師通記畧 三月二十日丁酉
上皇幸春日社關白師實以下公卿悉從師通記 夏
五月八日甲申尾張言火上卿子社僵樹自起卜之
軒廊師通 十四日庚寅春日山震動鈔百鍊 二十六日
壬寅修百座仁王會於大極殿師通 六月二十七日
癸酉上皇慶丈六佛像于法勝寺免左右獄徒六十
人召還阿波權守藤原為房畧記百鍊 秋八月十八日

癸亥大雨洪水十九日甲子先是延曆寺僧徒數千
逐座主良真率兵數百毀東塔房舍將及西塔西塔
橫川僧徒擊而走之遂毀良真弟子房舍焚坂下民
家八十餘戶畧記 二十六日辛未興福寺僧徒數千奉
神木入京訖近江守高階為家侵掠蒲生郡市莊神
人畧記百鍊鈔按 二十八日癸酉高階為家流於土
佐緣坐者解任贖銅有差百鍊鈔按畧記 九月四日
戊寅西院皇后崩畧記要記費女 十月三日丁未上
皇及郁芳門院幸日吉社關白師實以下扈從焉中
記畧 二十三日丁卯右大臣源顯房罷右近衛大將

補任係六年十二月今 二十七日辛未卜北野牛斃
從中右記要記皇紀
於軒廊中右記二十八日壬申春日御笠山屢有光百鍊
鈔二十九日癸酉遣權大納言源師忠於伊勢奉宸
筆宣命於大神宮中右記伊勢又奉幣二十一社告
南北僧徒凶暴中右記十一月三日丁丑興福寺僧
徒與金峯山僧鬪四日戊寅地震五日己卯以右大
臣源顯房疾免輕囚十七日辛卯以顯房疾及僧徒
鬪罷觀童女是夜春日社大鳴屢有光深州山陵鳴
中右二十日甲午權大納言源雅實兼右近衛大將
中右記畧 是夜地震中右記二十一日乙未興福寺僧
記補任

又與金峯山僧鬪中右記二十七日辛丑卜深州山
陵鳴於軒廊二十八日壬寅使十僧讀經延曆寺十
二月十二日乙卯以痘瘡流行奉幣二十二社中右記
二十一日甲子內大臣藤原師通罷左近衛大將補任
要記係六年十二月 二十四日丁卯遣參議藤原公
今從中右記皇紀
定謝深草山陵中右記二十七日庚午左大臣源俊房
兼左近衛大將中右記畧 是年出羽賊平師妙師季
等燒守信明館剽掠資財信明敕陸奥守源義綱討
之是冬痘瘡盛行踰年不止中右記
嘉保元年甲戌春正月三日乙亥朝上皇於六條殿

中右記畧十六日戊子陽明門院崩中右記畧是月
大雪中右記二月五日丁未葬陽明門院六日戊申
始讀佛經是月有大鳥三集鳥羽宮池二十九日辛
未修熾盛光法豫禳日食中右三月壬申朔日有食
之中右記八日己卯先是平師妙師李伏誅是日源
義綱函其首入京師梟之西獄門樹中右記百九日
庚辰關白師實罷補任皇紀要記為八日以內大臣
藤原師通為關白中右記百二十三日甲午左大臣
源俊房罷左近衛大將補任日關今二十八日己亥
權中納言藤原忠實兼左近衛大將中右記閏月十

二日癸丑以旱奉幣丹生貴布禰二十日辛酉祈雨
神祇官七日二十三日甲子原輕囚夏四月七日丁
丑卜大神宮有猪矢於軒廊遣使奉幣十五日乙酉
左衛門府火十九日己丑雨中右五月二十五日乙
丑前太宰權帥中納言藤原伊房坐私遣僧契丹交
關敗位奪官中右記百六月五日甲戌非常赦但安
樂寺彌勒寺彦山關亂者不在赦限是日策試夜星
入月地震八日丁丑省試二十五日甲午決神泉苑
池祈雨二十九日戊戌祈雨神祇官秋七月二日辛
丑奉幣丹生貴布禰八日丁未讀經龍穴十九日戊

午大雨連日不止二十六日乙丑祈晴丹生貴布禰
中右八月三日壬申觀賭射於大極殿集著十日巳
卯祈晴神祇官中右十七日丙戌參河守源惟清坐
祀詛上皇流於伊豆第仲季周防顯清越前仲清河
波子盛清信濃百鍊鈔云源仲宗及男惟清以下配流今從中右記九月三日
辛丑前太政大臣信長薨五日癸卯右大臣源顯房
薨中右記二十三日辛酉以痘瘡流行讀孔雀經大
般若經於御前修仁王講聖觀音法於宮中讀大般
若經於祇園社中右冬十月二十四日壬辰夜內侍
所鈴大鳴堀河院火避御大炊殿東對中右記十一

月十日戊申遷西對禁秘鈔十二日庚戌大隅八幡
宮又火百鍊鈔十三年記十三日辛亥天皇患痘瘡中右記十
六日甲寅禱于神祇官七日十八日丙辰修七瀬袂
四界祭二十日戊午奉幣二十二社二十三日辛酉
卜內侍所數鳴二十四日壬戌卜稻荷社鳴出雲國
社怪異於軒廊二十六日甲子使十僧讀經延曆寺
中堂二十七日乙丑修三萬六千神祭中右十二月
十五日壬午改元嘉保補任為十日要記六日今從中右記愚管鈔百鍊鈔皇紀
十九日丙戌天皇疾瘳始御紫宸殿二十八日乙未
從四位下大江公仲坐焚散資俊家殺人竊財流于

隱岐資俊是歲秋冬天下痘瘡流行中右記

二年乙亥春正月二日巳亥觀于上皇補五日壬寅

始拜于石灰壇抄禁秘三月二十九日甲子謁石清水

宮紀氏圖夏四月十五日庚辰謁賀茂社六月二十日

甲申奉幣丹生費布禰决神泉苑池祈雨中右記二十

六日庚寅閑院成上皇徙御焉中右記秋八月八日

辛未天皇徒行詣閑院朝上皇觀相撲舞樂著聞集十

二日乙亥使近臣捕嵯峨野草蟲獻之談宴作歌聞著

集要記冬十月十八日庚辰以天變地震遣權大納

言兼右近衛大將源雅實於伊勢奉宸筆宣命於大

神宮伊勢公卿二十四日丙戌延曆寺僧徒奉神輿

詣闕訖美濃守源義綱殺其徒中務丞源賴治拒之

百鍊鈔賴治射殺神人僧徒棄神輿於陣頭而走十

一月僧徒修五壇法詛國家教奉神輿還山盛衰記

皇紀永長元年丙子春正月十一日壬寅朝上皇於六條

殿中右記永昌十二日癸卯教五畿七道修大社破

壞朝野十八日巳酉修觀音供於清涼殿兼曆四年

以降此儀絕至是復之中右記元二十八日巳未使

六十僧讀經紫宸殿中右記二月十五日丙子梅宮第

一神殿火永昌元年記嘉十七日戊寅卜石清水宮釜鳴

於軒廊三月七日丁酉免輕囚中右記十日庚子熊野

本宮火皇紀百鍊鈔十一日辛丑會群臣於禁內作歌奏

樂二十四日甲寅觀殿上賭射中右記秋七月十二日

已亥使侍臣為田樂十三日庚子上皇觀田樂自是

朝野盛行古事談朝野是月有星數十見西北如貫

珠皇紀皇年八月七日甲子郁芳門院崩按諸書九

日丙寅上皇薙髮中右記大治四年九月二十五日

辛亥興福寺火百鍊鈔皇紀興福寺冬十月二十四

日庚戌地大震御船避之長秋記十二月十五日辛

未造興福寺畧年代記十七日癸酉改元永長補任愚管

記要兼德元年丁丑春三月十八日壬申行幸春日社記要

補任康和六年夏四月二十六日巳酉行幸祇園社長秋

八月五日丙戌風壞孔廟屋舍朝野九月辛亥朝禁

星見西南百鍊鈔山槐十七日丁卯太神宮正殿戶

鎖不開不克納幣朝野二十三日癸酉行幸關白師

通二條第園太曆冬十月十日庚寅卜神殿戶鎖

不開於軒廊朝野十一日辛卯自二條第遷賀陽院

長秋記百鍊鈔十一月二十一日辛未改元兼德百鍊鈔

鈔行類鈔

十七日要記山櫻記係十二月二十五日乙亥遣權
大納言源師忠於伊勢奉宸筆宣命於太神宮伊勢公卿

二年戊寅秋八月三日戊寅欲觀相撲於馬場殿法
皇止之夜密觀之集著聞九月二十日乙丑慶祇園塔

於鳥羽營構焉百鍊冬十二月以藤原茨子為女御

康和元年己卯春正月三日丙午觀于法皇長秋記

四日丁未六條宮火百鍊鈔皇紀編年記十三日丙辰以仁和

寺覺行為親王法親王始于此仁和寺御傳諸門二

十一日甲子大學寮請修孔廟祭器許之朝野群載二十

四日丁卯遣權大納言源俊明于伊勢奉幣太神宮長秋記伊勢是日地震長秋夏四月六日戊寅上皇

慶尊勝陀羅尼於鳥羽南殿院尊勝陀羅尼供養始于此年中行事要記按年中行事後世以六月二十

三日甲午使六十僧讀經紫宸殿長秋記補任愚二十八日己

亥關白內大臣師通薨長秋百鍊鈔秋八月二十
三日癸巳奉幣二十二社長秋二十八日戊戌改元
康和愚管鈔百鍊鈔皇紀冬十月二十日戊午卜定禊子內

親王為齋院長秋記兵範記嘉應元年費女抄編年記

二年庚辰夏四月丁酉朔日有食之朝野群載中右記保安元年

六月十九日甲寅大內成遷御焉類百鍊鈔行秋七月

十七日壬午以權大納言藤原忠實為右大臣權大

納言源雅實為內大臣經實記補任要記八月十六日庚戌

遷于賀陽院百鍊鈔九月流中務丞源賴治于佐渡

皇紀按源氏系圖佐渡作去佐

三年辛巳春正月二日癸亥觀法皇于鳥羽宮長秋記補

任十日辛未行幸鳥羽宮二十五日丙戌又幸二月

壬辰朔又幸長秋記十三日甲辰前太政大臣師實薨

長秋記補三月十日辛未行幸鳥羽夏四月辛卯朔

日有食之長秋記二十四日甲寅行幸鳥羽二十五日

乙卯觀法皇觀證金剛院長秋記百鍊鈔按編年記

興福寺畧年代記皇年代畧記皇紀永長元年九月

興福寺火十二月營造而不載是歲又大且百鍊鈔

等所不載六月二十五日甲寅卜賀茂下社戶鎖不

關於軒廊秋七月二日辛酉奉幣賀茂朝野群載七日丙

寅前對馬守源義親橫行鎮西侵陵州民敕討之百鍊鈔

鈔二十九日戊子修孔雀經法於東寺祈雨祈雨日

長者九月二十七日乙酉行幸鳥羽避方忌長秋記

後行幸鳥羽長秋記亦無方違文而中右記皆書方違

以此推之是歲前後頻冬十月十日丁酉遣大納言

源俊明于伊勢奉幣太神宮長秋記伊勢十一月二

日巳未卜賀茂下社西寶殿戶鎖不開於軒廊朝野

五日壬戌行幸鳥羽十二月二十日丁丑又幸長秋

是歲京師有狐大饗於朱雀門東掖世謂狐大饗皇

係三月五日據續文粹大江匡房

四年壬午春正月二日戊午觀法皇於鳥羽宮七日

癸亥行幸鳥羽宮避方忌十日丙寅還宮十九日乙

亥又幸中右記二十六日壬午慶等身五大尊像於

清涼殿南營二月丙戌朔行幸鳥羽宮避方忌二日

丁亥觀舞樂是夜還宮中右記十五日庚子行幸鳥羽

宮避方忌十六日辛丑還宮十九日甲辰使六十僧

讀大般若經於清涼殿中右記二十六日辛亥行幸

法勝寺避方忌長秋記係二十五三月七日壬戌行

幸鳥羽宮避方忌中右記十八日癸酉朝鳥羽宮慶法

皇壽五十設宴舞樂中右記長秋記今二十日乙亥

御船宴樂是日還宮中右記夏五月二日丙辰行幸鳥

羽宮長秋閏月二日丙戌令宮中男女善倭歌者作

書判其優劣謂之艷書合長秋記十四日戊戌行幸

鳥羽宮觀競馬百鍊鈔為十五二十五日巳酉觀競

馬騎射于賀陽院長秋記六月甲寅朔觀殿上競馬
長秋秋七月十六日巳亥豐受太神宮火百鍊鈔作
院今併考大中十八日辛丑遣大納言源俊明于伊
臣系圖訂之勢奉幣大神宮二所太神二十一日甲辰慶尊勝寺
百鍊鈔要車駕臨幸詔曰洛陽城東法勝寺西占吉
記皇紀士而建伽藍撰良辰而展齋延雲構甫就忽促翠華
之幸臨風化遍覃宜宥黃砂之刑法其大赦天下常
赦所不免者咸赦除但觸伊勢大神宮并宮崎宮訖
之輩不在赦限而所司懈緩若致誓留縱雖施春澤
之仁惠猶恐困秋霜之嚴科抑有司不得施行宜錄

舍赦之徒且從肆告之例朝野八月十六日戊辰修
三萬六千神祭於大極殿長秋記本書不載所十八
日庚午小野皇太后崩百鍊鈔要記皇紀編九月二
十五日丁未遷自高陽院御內裏長秋冬十一月二
十五日丙午右大臣藤原忠實罷充近衛大將神任
皇紀十二月二十八日戊寅流前對馬守源義親于隱
岐古事談為明年之二十九日巳卯風壞日華門長
記五年癸未春正月二日壬午觀法皇于鳥羽宮補三
月二十六日乙巳興福寺僧徒奉春日神木入京訖

罷講師信永港秀百鍊鈔夏四月十六日甲子遣權

大納言藤原家忠于伊勢奉宸筆宣命於大神宮伊勢

公卿敕二十三日庚午地大震二十四日壬申又震

五月己卯朔又震百鍊鈔六月七日甲寅神祇官請修

造南海道諸國神社許之朝野群載九日丙辰以皇子宗

仁為親王鈔房記百鍊鈔秋八月十三日庚申神祇權

大副大中臣輔弘坐行火豐受太神宮流于佐渡中大

臣系禰宜荒木田延綱坐犯大神宮心柱行火神館

流于伊豆禰宜補仕按百鍊鈔云輔弘延綱及同十

七日甲子立宗仁親王為皇太子為房記百鍊鈔今

治兼以右大臣藤原忠實為傳補任要二十九日丙

子祈晴丹生貴布禰中右記大九月六日壬午遣參

議源基綱於伊勢奉宸筆宣命於太神宮告流輔弘

伊勢公卿八日甲申祈晴丹生貴布禰十三日己丑

卜霖十八日甲子又祈晴于丹生貴布禰中右記大

冬十一月五日庚辰謁石清水宮紀氏七日壬午以

霖奉幣伊勢平野稻荷祇園北野中右記大二十五

日庚子慶高野山大塔百鍊鈔十二月二十一日丙寅

內大臣兼右近衛大將源雅實轉左近衛大將權大

納言藤原家忠兼右近衛大將補任要

長治元年甲申春二月十日甲寅改元長治補任愚管鈔百

鍊鈔大赦記要三月二十四日丁酉始修灌頂於尊勝寺

車駕臨之尊勝寺灌頂始于此百鍊鈔仁和寺御傳年中行事元亨釋書

秋七月二十日辛卯以有神託遣使齋宮八月壬寅

朔修宸筆法華八講於弘徽殿薦皇太后冥福百鍊鈔

冬十二月五日甲辰自內裏遷堀河院百鍊鈔行類鈔按嘉保元

年堀河院火諸書不載營造十六日乙卯遣權中納言源國信於

伊勢奉宸筆宣命於太神宮伊勢公卿敕使例

二年乙酉春正月庚午朔延曆寺僧徒數千奉祇園

神輿詣闕訴園城寺僧證觀二日辛未敕可之僧徒

奉神輿而還中右記永昌記五日甲戌朝法皇子大

炊殿皇太子從焉中右記永昌記三月五日壬寅宴群

臣於清涼殿詠倭歌百鍊鈔二十四日辛酉遣使鹿島

香取奉幣朝野群載夏六月八日癸酉自堀河院還內裏

十四日己卯御靈會檢非違使中原範政兵士與祇

園神人鬪神人詣闕訴之百鍊鈔秋八月十三日丁丑

遣內大臣兼左近衛大將源雅實於伊勢奉宸筆宣

命於大神宮伊勢公卿敕使例二十九日癸巳先是太宰權

帥藤原季仲與石清水別當光清射竈門神輿殺日

吉神人是日延曆寺僧徒日吉神人詣陽明門訴之

百鍊 九月十六日庚戌二條院崩百鍊鈔女院小冬

十月甲午晦日吉祗園神人延曆寺僧徒奉神輿又

詣陽明門請速斷季仲範政光清等罪石清水神人

詣待賢門請宥光清編年記曰以三井寺證觀事神輿入洛今從愚管鈔百鍊鈔要

記十一月乙未朔奪權中納言兼太宰權帥藤原季

仲官補任罷光清職諭僧徒還山三日丁酉復光清職

愚管鈔百鍊鈔奪檢非違使中原範政官百鍊鈔十二月二十

五日戌子以右大臣藤原忠實為關白二十八日辛

卯流藤原季仲於周防補任百鍊鈔要記

嘉業元年丙戌春正月四日丁酉彗星見西南長十

餘丈百鍊鈔要記中右記長兼元年山槐記治兼二年二月十七日庚辰改

流藤原季仲於常陸奪其子刑部少輔懷季少納言

實明官二十八日辛卯遣參議藤原宗忠於後田邑

山陵謝犯陵土百鍊鈔三月十一日癸卯關白忠實罷

皇太子傳以內大臣源雅實為皇太子傳補任夏四月

九日庚午改元嘉業赦永昌山槐記補任要記十二日癸

酉修四角四坡祭禳疫永昌山槐記是日賀茂別雷社火廢

朝三日永昌山槐記百鍊鈔十三日甲戌奉幣賀茂

上下社秋七月庚寅朔日有食之永昌山槐記五日甲午修

孔雀經法於東寺祈雨永昌山槐記十九日戊

申軒廊卜石清水宮兒齧帳蛇見賀茂社樹僵梅宮
盜竊神衣帳感神院鳴動及炎旱二十三日壬子奉
幣伊勢已下七社及丹生貴布禰二十七日丙辰法
皇謁石清水宮永昌記九月十九日丁未不豫冬十月
三日辛酉奉幣伊勢以下十社六日甲子原輕囚十
一月三日辛卯遣使宇佐謝竈門神四日壬辰天皇
疾瘳中右記十二月二十五日壬午從御堀河院中右記
昌丁亥晦免輕囚是歲停仁王會季御讀經中右記天
下疾疫永昌記二年
二年丁亥春正月三日庚寅朝法皇于內大臣源雅

實土御門第十日丁酉策試中右記二月十一日戊辰
地震遣內大臣源雅實於伊勢奉宸筆宣命及神室
神馬於太神宮中右記伊勢公卿二十六日癸未省試中右記
記三月五日辛卯朝法皇於鳥羽宮中右記百鍊鈔六日壬
辰宴樂詠倭歌八日甲午御船歌舞飲宴是日還堀
河院十一日丁酉軒廊卜鴨御祖社狽鳴竈門社震
動高良社蛇見是春癘疫流行比年京師訛言神來
借舍宅人多遷居至是未止中右記夏四月七日癸亥
地大震中右記永昌記十日丙寅又震永昌記二十二日戊寅
以天下患咳讀經石清水賀茂以下十社及七大寺

延曆寺園城寺三日諸國諸寺一日罷相撲使二十
八日甲申卜鴨御祖社狢鳴免輕囚五月十一日丙
申以疾疫奉幣二十二社十九日甲辰使千僧讀經
延曆寺中堂中右記二十三日戊申頃間都下庶人飛
礫相擊於街至是使檢非違使禁之二十六日辛亥
使千僧讀經東大寺二十九日甲寅修百座仁王會
於紫宸殿六月二十一日丙子震十餘所京極殿佛
堂災堀河院大木折感神院鳥居壞中右記二十二
日丁丑感神院樹無故而折二十五日庚辰卜感神
院災異於軒廊中右記秋七月十日甲午不豫要記修

孔雀經法於宮中七日仁和寺御傳孔十二日丙申
散位賴貞坐射香推神輿殺神人流于佐渡百鍊鈔
關十九日癸卯天皇崩于堀河院年二十九中右記
百鍊鈔要火葬于香隆寺稱堀河院要記皇紀編年
代畧永久元年奉安御骨于仁和寺圓融院皇代記
寺今從長秋帝臨御日久而天下之事皆決上皇不
復攬乾綱鏡今然留心政事諸司奏案夜必覆視有可
疑者御批再令商議有公卿當追憊稱疾而參小朝
拜者乃勒使歸家曰彼何病而愈之速也上皇聞之
為察矣續古事談嘗謂左右曰普天之下皆王民也遠民

何踈近民何親一人之耳而四海之事不可聞焉是
大患也卿等有聞告而無隱一宮女奏曰有所眾某
貧寡將遁世帝為愍然乃敕僧良真修臨時禱曰其
修法及日時他日命之豫賜兵衛尉一人師宜告有
司而任之當時為兵衛尉者出切錢五萬匹良真任
其人置切錢於已坊既而入諸修法日時帝曰聞所
眾某貧不能立朕不忍之王者可私人以財不可以
官宜以師意私給切錢於某如其祈禱自有長日之
修良真感泣曰何大法祕法過此功德况良真之微
力何及百分之一遂以切錢給之盛衰記長門一日
本平家物語

命隨身清房走馬清房清房誤墜死帝憫之賜其父

采邑盛衰記頗好文學能倭歌今鏡神皇當是時源俊

房藤原通俊大江匡房藤原季仲等在朝帝以為得

人不愧古也今鏡尤精音律善笙笛後以笙損氣惟吹

笛當時無至其妙者源俊房曰式部卿宮薨後百五

十餘年再聞上霧續教訓抄嘗受神樂曲於伶人助

忠後世神樂之說自帝傳云正統記續
古事談

天保十己亥年十月晦日謹書寫之

中村萬喜直衛

大日本史卷四十五

本紀第四十五

權中納言從三位源光圀修
男權中納言從三位綱條校

鳥羽天皇

鳥羽天皇諱宗仁堀河帝長子也母贈皇太后藤原

氏康和五年正月十六日丙申生于左少辨藤原顯

隆五條第本朝世紀百鍊鈔今鏡未幾失恃白河法

皇迎天皇入宮本朝世紀百鍊鈔今鏡六月為親王八月立為皇太子

為房記百鍊鈔今鏡長治二年十月著袴於內大臣源雅實

土御門第

歷代皇紀皇年代畧記玉葉兼久二年

嘉業二年七月十九

日癸卯堀河帝崩法皇詔皇太子嗣位以關白右大

臣忠實攝政公卿奉劔璽於大炊殿是日皇太子踐

祚

中右記百鍊鈔

左大臣源俊房內大臣兼左近衛

大將源雅實權大納言兼右近衛大將藤原家忠並

如故

公卿補任

二十四日戊申葬堀河天皇

要記皇紀帝王編年記皇

畧代冬十月十八日庚午卜石清水宮怪異北野社

樹僵于軒廊二十一日癸酉敕課諸國修八省法皇

使僧修千日講是月炎旱井涸閏月十六日戊戌卜

感神院釜鳴于軒廊十一月壬子朔日南至當蝕陰

雲不見三日甲寅公卿表賀十七日戊辰罷豐明節

會

中右記

二十九日庚辰敕詔曰珠緯連輝明王受迎

祚之祥銅管正律哲后顯履長之慶是以圓丘迎日

賀南至於一隅靈臺觀雲懷子來於萬國誠是上協

天符下從人望者也朕以小量嗣業大統齡在幼年

遙謝徇齊之德政委姬且更思成周之風迺者公卿

奏言謹案曆日十一月壬子朔且冬至經列聖而難

值鍾治世而偶來又或誓翼日之舊儀或議附曠之

新瑞童蒙之心少未有識庸昧之質獨何當仁豈非

祖宗靈睠臣佐保持之所致乎抑荐行存誼禮制難

踰縱停飲宴於燕々之誠何忘福應於蒼々之貺須
與兆庶享斯休徵可赦天下但常赦所不免及欠負
官物之類不在赦限叙爵賜物一準恒典庶感中黃
之達萌陽以答上玄之降嘉祚續文十二月壬午朔
天皇卽位于大極殿時年五歲禮畢還大炊殿中右
鍊鈔要是日尊準母前齋院令子內親王爲皇后
記皇紀是日尊準母前齋院令子內親王爲皇后
記大治五九日庚寅徙御小六條殿
行中右鈔十三日
甲午追尊所生女御藤原氏曰皇太后中右
十七日
戊戌卜大神宮怪異於軒廊二十八日巳酉又卜日
吉社怪異中右是月流人源義親逃自隱岐至出雲

殺目代掠官物敕因幡守平正盛討之中右記天仁
兼四年盛衰記編年記
天仁元年戊子春正月諒闇罷諸節會源義親伏誅
二十九日庚辰但馬守平正盛函義親首入京師中右
記百鍊鈔要記二月十一日壬辰卜賀茂下社狐鳴
於軒廊十七日戊戌又卜太宰府怪及犬屢登日吉
八王子神殿神殿鳴動中右二十二日癸卯遣使山
階柏原嵯峨深草後田邑後山階村上香隆寺宇治
後宇治十陵告卽位中右記朝三月二日壬子奉幣
日吉社十六日丙寅卜賀茂社樹枝墜川合住吉二

社狐鳴於軒廊中右記二十三日癸酉延曆寺園城寺

僧徒數千訴今年以東寺僧為尊勝寺灌頂阿闍梨

要記皇紀作賜尊勝寺灌頂於二十四日甲戌震六

條堀河一奴震死庚辰晦奉幣二十二社中右夏四

月辛巳朔延曆寺僧徒數千擐甲奉日吉神輿入京

敕遣檢非違使及源平兵士數萬禦之三日壬午法

皇遣使諭之僧徒奉輿還山百鍊鈔要記係三十一

日辛卯遣使宇佐二十四日甲辰卜伊勢豐受宮鹿

死及賀茂社感神院高良社怪異於軒廊二十八日

戊申奉幣伊勢石清水賀茂住吉日吉祇園是月京

師多盜五月庚戌朔日有食之七日丙辰免輕囚六

月庚辰朔有白雲二道亘天十二日辛卯卜鴨社震

動及住吉感神院怪異於軒廊十四日癸巳震延曆

寺雨雹十七日丙申奉幣賀茂住吉祇園二十三日

壬寅慶金字法華經仁王經於鴨社中右秋七月七

日乙卯廢醍醐中宮藤原氏國忌置贈皇太后國忌

中右記百鍊鈔公事根源十八日丙寅修不動法於

仁壽殿七日中右記仁八月二日巳卯祈晴丹生貴

布禰野中右記朝三日庚辰改元天仁中右記百鍊鈔

十五日壬辰卜肩列池後陵池上陵鳴於軒廊中右記皇

紀免輕囚百餘人二十日丁酉遣使省列二陵上諸
所鳴動於軒廊二十二日戊戌徙自小六條殿御火
內中右記行類鈔大內二九月十日丁巳興福寺僧
徒探甲登多武峯燒堂塔民舍中右記百鍊鈔二十
三日庚午多武峯鳴動自七月至是月上野麻間峯
大焚沙礫灰燼埋沒田園是日卜之軒廊冬十月四
日庚辰始拜于石灰壇六日壬午以災異屢見非常
赦但伊勢石清水所訴者不在赦限中右二十一日
丁酉御禊中右記二十八日甲辰卜定恂子內親王
為齋宮中右記皇十一月四日庚戌減服御常膳中

記八日甲寅卜定官子內親王為齋院中右記要記
二十一日丁卯大嘗中右記要二十八日甲戌自火
內還御大炊殿十二月十九日甲午觀法皇于六條
殿二十日乙未還宮中右
二年己丑春正月以贈皇太后忌月廢踏歌節會百鍊
鈔二月二十五日庚子修法華八講於吉祥院著為
恒典年中行事是月以左衛門尉源義忠為人所殺
敕檢非違使源重時誅源義明義明父美濃守義綱
亡攬近江甲賀山遣源為義討之義綱降流于佐渡
要記皇紀係去年二月今從三月八日壬子以天變
百鍊鈔編年記源氏系圖

地殃遣權中納言藤原宗通於伊勢奉宸筆宣命於

太神宮伊勢公卿夏四月二十七日辛丑朝法皇源體

抄秋七月甲辰朔自大炊殿遷御內裏鈔百鍊二十一

日甲子遷大炊殿曆文和二年

天永元年庚寅春正月豐受大神宮心柱例鈔百鍊二

月三日壬申遣權中納言藤原宗通於伊勢奉宸筆

宣命於太神宮伊勢公卿二十二日辛卯觀法皇于

六條殿補任為二十日續教訓三月四日壬寅雨

雪尺餘寒如冬永昌記十九日丁巳省試永昌夏五

月十三日辛亥彗星見東方百鍊鈔中右記長兼九

六月四日辛未修孔雀經法於鳥羽宮禳彗星仁和

傳東寺長秋七月十三日庚戌改元天永要記皇紀

愚管鈔十六日今從補任百鍊鈔丁卯晦以僧靜實埋蠱

藤社社咒咀朝廷流之冬十一月乙丑朔伊勢內宮

心柱例鈔百鍊十二月七日辛丑遣大納言源俊明於

伊勢奉宸筆宣命於大神宮伊勢公卿十七日辛亥

最勝寺成抄拾芥是歲夏秋之交洪水飢饉山槐記治

二年辛卯春正月十九日壬午法皇使千僧讀經法

勝寺中右記按本書長兼元年正月二十一日條云

在位之日既為恒式乎檢諸舊記此後原始蓋白河帝

朝春間必有此事而舊記年月完缺不齊無他可二
考今從本書長養元年之文定為恒例此後不書二

十一日甲申卜石清水宮有死人於軒廊中右記二月

甲午朔朝法皇于六條殿中右記十一日甲辰行幸

春日社中右記要記長 十二日乙巳還御鳥羽宮十四日

丁未還宮中右記二十一 日甲寅怪雲亘東西中右記

二十三日丙辰以大炊殿有恠遷御內裏中右記二

十九日壬戌本書作辛酉今推干支訂之法皇謁石清水宮三月

十三日乙亥白雲二道亘天中右記十五日丁丑賭射

長中右記秋記 卜齋院有死蛇於軒廊二十七日巳丑地火

震中右記夏四月九日辛丑大風雨伊勢外宮門垣賀

茂齋院館舍例春日社樹七十餘章中右記十二

日甲辰卜之軒廊中右記二十七日巳未徙御內大臣

源雅實土御門第中右記五月壬戌朔免輕囚百人

八日巳巳以風雨奉幣二十二社二十五日丙戌軒

廊卜伊勢怪異及齋院有死蛇六月五日丙申奉幣

大神宮中右記秋七月十六日丁丑零于神泉苑永昌記

二十七日戊子祈雨丹生費布永昌記八月十八

日戊申祈晴丹生費布永昌記二十八日戊午修百座仁

王會於紫宸殿九月三日癸亥興福寺僧與東大寺

僧關四日甲子興福寺僧燒東大寺民戶十五日乙

亥修放生會以石清水神人與賀茂神人關延及于

此中右二十日庚辰自土御門第御賀陽院從記中右

和太曆文二十三日癸未非常赦但伊勢石清水所新

者不在赦限冬十月六日乙未軒廊卜賀茂社出雲

杵築社太宰府竈門社怪異中右十一月十九日戊

寅下野守源明國坐殺入於途流于佐渡中右記十

二月十四日壬寅始讀御註孝經中右記長秋記

午晦免輕囚六十餘人中右記

三年壬辰春二月十一日戊戌觀法皇于六條殿十

二日己亥還宮中右記十七日甲辰慶石清水塔中右

記百三月十六日癸酉詣六條殿慶法皇壽六十

八日乙亥還宮中右記百鍊夏五月十三日己巳賀

陽院火百鍊鈔山槐記治兼從御六條殿百鍊鈔六月

十九日甲辰造大炊殿園太曆貞和二年按本書不

今無冬十月十九日癸卯大炊殿成從御焉中右記

所改太曆貞和二年十月十九日癸丑川合社門廊火百鍊鈔是

和太曆貞和二年二十九日癸丑川合社門廊火百鍊鈔是

月伊豆海有火鳴如雷聲聞京師踰月不止十一月

二日乙卯卜豐受大神宮怪異于軒廊七日庚申又

卜川合社火八日辛酉奉幣賀茂社十二日乙丑卜

川合社有光于軒廊中右十八日辛未攝政忠實罷

記

記

記

右大臣補任記二十七日庚辰修百座仁王會於紫

震殿卜伊豆海火於軒廊中右記十二月十四日丁酉

以攝政忠實為太政大臣職仍舊中右記十九日壬

寅車駕從法皇幸鳥羽慶多寶塔百鍊鈔作鳥羽堂

皇二十五日戊申免輕囚二十七日庚戌自大炊殿

從御內裏中右記

永久元年癸巳春正月甲寅朔天皇加元服於紫宸

殿長秋記百鍊鈔要記八日辛酉朝法皇於六條殿

長秋抄還御大炊殿長秋記二月痘瘡大行百鍊鈔三

月四日乙卯以橫山黨殺內記太郎教常陸相模上

野下總上總國司討其黨二十餘人長秋記二十二日

癸酉移藏堀河帝御骨於仁和寺圓融院長秋記閏

月壬午朔修五壇法於內裏仁和寺十六日丁酉以

怪異疾疫遣權大納言藤原宗通於伊勢奉宸筆宣

命於太神宮長秋記伊勢二十日辛丑興福寺僧徒

五千奉春日神木抵勸學院訴佛匝圓勢補清水別

當二十二日癸卯敕以僧永緣為別當諭僧徒還寺

長秋記永久元年外記夏四月辛亥朔延曆寺僧

徒二千餘毀清水寺堂宇奉祇園北野神輿詣大炊

殿訴興福寺僧凌辱祇園神人使檢非違使源光國

平正盛左衛門尉源為義率兵禦之法皇諭使還山
中右記長秋記百自是二寺仇視將搆兵相攻京師
騷擾十二日壬戌救二寺和解之僧徒不奉詔中右
十四日甲子攝政忠實罷太政大臣百鍊鈔十五日
乙丑奉幣伊勢以下七社中右二十五日乙亥奉幣
春日大原野日吉二十七日丁丑奉幣石清水禱弭
僧徒鬪亂中右記永久二十九日己卯興福寺僧數
千將攻延曆寺遣檢非違使平正盛平忠盛源重時
於宇治邀之戰于粟子山破走之遣檢非違使源光
國左衛門尉平盛重於西坂下遣延曆寺僧徒既入

京免於祇園中右記永久元年外記是日卜日吉社
怪異於軒廊中右五月庚辰朔僧徒還山要記六月
十日己未春日山鳴社有光十八日丁卯奉幣春日
社中右秋七月十三日辛卯改元永久長秋記愚管
任長秋十八日丙申修孔雀經法於內裏仁知寺
八月四日壬子大風雨伊勢內宮殿舍門垣倒月讀
宮伊雜宮壞二十日戊辰大風平野社樹僵九月七
日乙酉以不豫大赦法皇遣使賀茂石清水獻神寶
於大神宮修法禱之冬十月五日癸丑疾瘳臨弓場
始十一日己未行幸松尾社十七日乙丑行幸北野

社長秋十二月二十二日巳巳僧仁寬坐作匿名書

謀不軌流于伊豆百鍊鈔續古二十六日癸酉忠實

罷攝政為關白補百鍊鈔

二年甲午春正月五日壬午始臨叙位百鍊鈔叙位

中右二十七日甲辰遣權中納言藤原宗忠于伊勢

奉宸筆宣命神寶於大神宮中右二月三日

巳酉大風春日社樹三百餘章中右十日丙辰朝

法皇于六條殿置酒燕樂天皇自吹笛十一日丁巳

還宮中右十四日庚申禁京師民間服摺衣及博

奕中右二十一日丁卯蓮華藏院修二月著為永式

年中二十七日癸酉以盜賊公行修仁王講于左右

獄中右夏五月八日壬午修孔雀經法於土御門內

裏仁知寺御傳孔十六日庚寅免輕囚六十餘人十

七日辛卯重敕檢非違使逮捕服摺衣者及盜賊博

徒六月八日辛亥奉幣祈晴十三日丙辰卜鴨社有

死蛇于軒廊十九日壬戌地震秋七月六日巳卯院

宣延曆寺禁僧徒帶兵杖八月癸卯朔奉幣稻荷社

是日伊勢大風豐受宮于木折門垣例二日甲辰內

宮荒祭宮于木折中右三日乙巳大炊殿火天皇避

之從四位上藤原長實萬里小路第中右記百鍊鈔

編年記寺社雜

事八日庚戌遷御六條殿十四日丙辰卜伊勢風災
于軒廊二十二日甲子奉幣八社中右記冬十月壬寅
朔中宮崩中右記百鍊鈔十一月五日丙子遣權中
納言源能俊於伊勢奉宸筆宣命於太神宮中右記
御教十四日乙酉謁石清水宮二十三日甲午謁賀
茂社中右記二十九日庚子車駕從法皇幸白河慶蓮
華法院非常赦中右記百鍊鈔十二月八日己酉始
臨內侍所神樂二十九日庚午卜伊勢鴨社怪異於
軒廊是歲京師盜起公行劫掠南海道海寇剽竊貢
調都鄙騷擾中右記

藏

三年乙未春二月十一日辛亥朝法皇於白河殿續教
抄訓夏四月二十八日丁卯以內大臣源雅實為右大
臣大納言藤原忠通為內大臣補任要記五月十四日癸
未鷹司洞院東大路地陷秋八月二十五日壬戌自
六條殿遷御土御門內裏百鍊鈔冬十二月二十六日
辛卯大炊殿成從御焉百鍊鈔園大曆文和二
四年丙申春二月十九日癸未朝法皇體源抄三月十
三日丁未大學助源高行坐傷人流於安藝百鍊鈔夏
五月十六日己酉廷議宋牒至阿蘇社火百鍊鈔
社火月六月二十日壬午慶賀茂社多寶塔賽宿禱
日關

百年鍊鈔秋七月十二日癸卯下新制七條群載八月
十七日戊寅大炊殿火遷御土御門第冬十月二十
八日戊子法皇幸熊野百鍊鈔按本書不載還京月日
五年丁酉春正月八日丁酉法成寺東西塔南大門
證菩提院火百鍊鈔要記三月二日庚寅造土御門殿
園太曆負和二年七日乙未朝法皇體源抄十五日癸卯遣右
大臣兼左近衛大將源雅實於伊勢奉宸筆宣命於
太神宮伊勢公卿夏四月二十日戊寅遷御三條室
町和園太曆文五月五日壬辰先是有僧詐稱源義親
依越後人平永基是日敕永基捕送之群載二十九

日丙辰觀關雞關草百鍊鈔是月法皇幸熊野要記按
十一月六日法皇於熊野山供養御願塔蓋至秋八
十一月猶在熊野而還京月日諸書無所考
月二十九日甲申謁石清水宮和園太曆文九月丙戌
朔大風拔木發屋十四日巳亥二條堀河皇后宮火
冬十月二十九日癸未慶白河塔百鍊鈔十一月十日
甲午土御門殿成徒御焉百鍊鈔和園太曆二十一日乙
巳省試群載十二月十七日庚午以藤原璋子為女
御女院
元承元年戊戌春正月二十三日丙午修百座仁王
會於紫宸殿中右記二十六日巳酉立女御藤原璋子

爲中宮中右記二月九日辛酉大和社火中右記十

日壬戌朝法皇于白河殿中右記二十一日癸酉使

千僧讀經法勝寺三月十九日辛丑以三合厄非常

款但伊勢石清水所訴者不在赦限二十七日巳酉

策試中右記是月宋主付商人孫俊明鄭清等送書皇紀

編年記善夏四月三日乙卯改元元永中右記百鍊隣國寶記

赦中右記九日辛酉以三合星變疾疫遣中納言源顯

通於伊勢奉宸筆宣命於太神宮中右記伊勢公卿十二

日甲子祈晴丹生賣布禰二十八日庚辰軒廊卜高

良宮有蛇鏡宮寺門鏡見杵築社鳴動五月壬午朔

曆道奏日當蝕雨不見二十四日乙巳卜大和社火

于軒廊中右記六月霖雨河水泛溢百鍊秋八月九日

巳未京師飢法皇賑給之中右記十二日壬戌卜豐

受宮忌屋殿蟲生于軒廊二十三日癸酉使十僧讀

經法勝寺二十七日丁丑以蟲恠奉幣太神宮九月

二十二日辛丑奉金銀幣於大神宮閏月六日乙卯

以法皇將幸熊野免輕囚九十餘人中右記七日丙辰

法皇幸熊野中右記百鍊鈔十九日戊辰卜鴨社狢鳴于軒

廊二十三日壬申七條火延十餘町冬十月五日癸

未法皇至自熊野中右記十二月十七日甲午慶最勝

寺車駕臨幸百鍊鈔編年記拾

二年己亥春二月二日戊寅右大臣源雅實罷左近

衛大將六日壬午內大臣藤原忠通兼左近衛大將

中右記十一日丁亥朝法皇于白河殿中右記三月

八日甲寅卜伊勢內外宮有穢于軒廊是春天下飢

饉民多死亡京師盜起殺人行火中右記夏四月丙子

朔曆道奏日當蝕不應中右記九日甲申祈雨丹生

費布禰中右記十四日己丑仁和寺火中右記長秋記

五月六日辛亥使備前守平正盛索捕盜賊九日甲

寅卜豐受宮御白殿忌屋殿生異蟲于軒廊十四日

己未使十僧讀經延曆寺禳疾疫二十日乙丑卜豐

受宮并奠于軒廊二十七日壬申決神泉苑池祈雨

中右記六月十九日甲午以皇子顯仁為親王中右記

百鍊鈔是夏旱中右記秋七月十日甲寅澍雨十八

日壬戌卜豐受宮蟲怪平野社鳴于軒廊八月霖中右

記十七日辛卯觀舞樂長秋二十七日辛丑祈晴丹

生費布禰九月二十七日庚午法皇幸熊野中右記冬

十一月癸卯朔鴨社火廢朝三日中右記長秋記百

二日甲辰夜大風雨北方有光中右記十六日戊午奉

幣賀茂中右記二十八日庚午輔仁親王薨中右記

皇紀

保安元年庚子春二月二日癸酉朝法皇於三條鳥

丸亭中右記二十日辛卯謁石清水宮二十六日丁

酉謁賀茂社三月十五日乙卯使千僧讀經法勝寺

中右記夏四月十日庚辰改元保安中右記百鍊中右記十九

日巳丑堀河院火中右記百鍊中右記二十一日辛卯遣大納言

兼右近衛大將藤原家忠于伊勢奉宸筆宣命神寶

於大神宮中右記伊勢中右記是月園城寺與延曆寺爭大

津地畧毀日吉鳥居法皇使公卿議其曲直諭僧徒

建鳥居中右記百鍊中右記六月八日丁丑奉幣石清水賀茂平

野稻荷十六日乙酉奉幣大神宮二十八日丁酉非

常赦秋七月十六日乙卯修孔雀經法於神泉苑祈

雨中右記二十一日巳未左近衛少將藤原實衡毆兵

部大輔藤原資信於殿上除實衡籍譴責資信百鍊

仕八月二十三日辛卯興福寺僧徒春日神人奉神

木抵勸學院訴和泉守雅隆凌辱神人雅隆法皇敕

罷雅隆諭僧徒還中右記百鍊中右記戊戌晦卜宇佐宮怪異

於軒廊冬十月戊辰朔日有食之使千僧讀經延曆

寺三日庚午法皇幸熊野二十二日巳丑至自熊野

十一月七日甲辰卜大神宮有死穢於軒廊中右十

二日巳酉法皇罷關白忠實內覽文書愚管鈔今鏡中右記補任

十四日辛亥有鹿入北野社二十五日壬戌臨時除

目十二月丁卯朔石清水宮鳴動有光二日戊辰卜

北野怪於軒廊十四日庚辰奉幣北野二十日丙戌

夜大風雨有光是月木幡山陵鳴中右記

二年辛丑春正月十七日癸丑復關白忠實內覽文

書補任十九日乙卯左大臣源俊房罷補任二十二日

戊午關白忠實罷補任教內大臣兼左近衛大將藤原

忠通內覽文書補任百鍊鈔二月二十九日甲午朝法皇

源補任抄體三月五日庚子以內大臣藤原忠通為關白

補任要記百鍊鈔十二日丁未大納言兼右近衛大將藤原

家忠轉左近衛大將權大納言源有仁兼右近衛大

將補任夏四月二十六日巳未廷議報牒于宋贈土宜

二十七日庚申延曆寺僧徒燒觀音院一乘寺百鍊鈔

閏月三日丙寅燒園城寺堂宇蕩盡百鍊鈔今鏡秋

八月二十九日辛酉遣權中納言源能俊于伊勢奉

幣於大神宮二所大神宮例文九月六日戊辰延議伊勢洪

水漂豐受宮正殿下天平瓮百鍊鈔冬十月二十八日

巳未行幸春日社要記十一月十二日癸酉前左大臣

源俊房薨補任要記編年記

三年壬寅春二月十日己亥朝法皇體源夏五月十

四日辛未白河善勝寺有蛇生足秋七月二十二日

戊寅大學寮孔廟堂壞百鍊冬十二月六日辛卯遣

參議藤原實行於伊勢奉宸筆宣命於大神宮伊勢公卿

敕使例係二年今從二所大十五日庚子置灌頂于最勝寺

百鍊鈔要記元亨釋書十七日壬寅以右大臣源雅實為太政

大臣關白內大臣忠通為左大臣大納言兼左近衛

大將藤原家忠為右大臣權大納言兼右近衛大將

源有仁為內大臣永昌記補任要記

四年己卯春正月五日己未朝法皇體源二十八日

壬午立顯仁親王為皇太子是日天皇禪位於皇太

子百鍊鈔愚管鈔要二月上尊號曰太上天皇要記

從御三條烏丸少馬遷白河殿六月遷于二條東洞

院新宮百鍊鈔是後或御白河殿三條西殿又御白河

北殿中右記每遊幸與法皇同車今鏡神皇舊例法

皇車無隨身而以同車故儀衛如式今鏡天治元年二

月從法皇幸白河觀郊外雪內大臣源有仁以下騎

馬扈從百鍊鈔皇上皇烏帽直衣御馬前行嵯峨上

皇遷于嵯峨院御馬而出爾後始有此舉正統閏月

從法皇幸法勝寺觀花後宮嬪御飾車從焉攝政忠

通太政大臣雅實以下公卿前驅後乘車馬絡繹衣
服綺縠裁錦綉貼金銀盡美競華是日櫻花開敷兼
採花山林鋪地如雪至車埋軌還澗過白河殿飲宴命
群臣作和歌盡歡而罷今鏡百鍊鈔編十月幸高野
山百鍊鈔高野御幸記大治元年十一月從法皇幸熊野百鍊鈔
十二月又與法皇同車觀雪攝政以下從焉出歷西
山舟岡上皇衷深紅被直衣騎馬而前百鍊鈔二年
二月從法皇幸熊野中右記九月從法皇幸高野山百鍊鈔
鈔四年七月法皇崩上皇居喪哀容過節台記天其
後上皇專理萬機一効法皇今鏡保元物語天養元年二月

幸熊野兩院熊野御詣記長養元年創得長壽院置觀音像
一干軀三月臨幸慶之賜導師天台座主忠尋鞍一
千石錢一千貫沙金一千兩施物無算盛衰記保延二
年三月幸熊野九月慶金字五部大衆經於石清水
百鍊鈔三年七月致書崇德帝辭尊號封戶隨身要記
從十年續文粹六年十月慶春日社五層塔儀準御齋
會百鍊鈔永治元年三月薙髮法名空覺今鏡百鍊鈔
修佛事五十日多觀僧徒施食鳥獸今鏡康治元年五
月幸南都受戒於東大寺又受戒於延曆寺台記百鍊鈔
亨釋書 屢與新院御樓船遊于宇治或同車遊幸京外

天養元年三月幸熊野十月幸延曆寺令十僧讀經
久安二年九月幸四天王寺修舍利會三年三月幸
熊野九月幸四天王寺修萬燈會四年二月幸熊野
詔九月幸四天王寺念阿彌陀一百萬遍台記續六
年三月與美福門院幸熊野台記仁平三年二月幸熊
野慶金字大藏經百鍊鈔久壽元年七月從御鳥羽新
宮前太政大臣忠實獻紙十帖布十端米十斛二年
八月不豫台記保元元年七月二日辛丑法皇崩于鳥
羽安樂壽院年五十四是夜葬于安樂壽院塔以擬
山陵稱鳥羽院愚管抄百鍊鈔要記皇紀編年記皇
代紀按保元物語曰久壽二年冬法

皇幸熊野拜本宮證誠殿恍惚見神自帳中出手反
覆示之法皇不悟命巫降神神憑之曰明年秋必崩
天下反覆當如是乎法皇及臣僚皆涕泣及期果病
遂不命醫療而崩愚管抄亦載此事據台記久壽二
年八月不豫冬間不載幸帝嘗受帝範於菅原在良
熊野且事涉怪誕故不取又通天文台記善歌催馬樂精于音律最善吹笛台記
鏡抄今其幸四天王寺群臣奏管絃帝親吹笛謂侍臣
曰沙門吹笛恐取嘲笑因蔽障子吹之人感音調台記
久安三年嘗定樂十曲讚極樂土每月奏之名十樂
著聞集講續教抄涉覽古記能通典故台記嘗曰任檢非違使別
當者當兼備重代才幹成敗容儀近臣富有六事不
則不得與職古事好修容儀源有仁亦好修飾一時

化風凡朝服嚴稜烏帽子有額皆始于此時正統記然
戒臣廢奢侈嘗御鳥羽南院修法會見童子服貼金
衣謂攝政忠通曰美服朕所不喜忠通請下檢非違
使罪之帝曰釋之勿問第遍告群下使知此意台記
三好色多內嬖又耽男寵台記前後有三女院美福門
院最被幸以所出體仁親王為崇德帝儲貳逼使讓
位是為近衛帝及近衛帝升遐崇德上皇有彼位之
志帝與美福門院關白忠通謀立後白河帝以其子
守仁親王為皇太子於是崇德上皇大失望陵土未
乾遂為保元之亂今鏡愚管抄讓位之後凡三十四

年決政院中二十八年故後世舉仙院典章稱白河

鳥羽二帝保元物語
正統記

大日本史卷四十五終

天保十色亥年十一月四日謹書寫之

中村萬喜直道

